



Jo. Lami
Omnigenae doctrinae et eruditionis
Viro
Vincensio Dom. Fastini Ord. Praed.
Hujus Commens. Scriptor.

10. B. 5 10. 5. 116






DE SINGULARIBUS
EUCHARISTIÆ
USIBUS.



DE SINGULARIBUS
EUCHARISTIÆ
USIBUS

APUD VETERES GRÆCOS

COMMENTARIUS:



BRIXIÆ. MDCCLXIX.

Excudebat JOANNES MARIA RIZZARDI.

SUPERIORUM FACULTATE.

*Non eo tendunt universa qua scribo, quod velim
ea nunc temporis in usum revocari. Sed hoc
iccirco affero, & quod scitu praeclara sunt,
& ut Veterum exemplo nostri ad illa, qua
hodie praescribuntur, incitentur.*

Jo. Fronto in Familia Christi.

XVX
PRÆSTANTISSIMO VIRO
FELICI NICOLAO
DURANDO
VILLE GOMITI
&c.

DIONYSIUS SANDELLIUS
S. P. D.

TUO præclaro nomini ; Comes
Dulcissime , hunc inscribere
volui Commentarium , quem
aliud fere agens anno superiore scri-
pseram , modo vero in lucem edidi ,
ut amicis mibique etiam ipsi satis-
facerem . Ea enim tuarum virtutum
præstantia est , is favor tui in litte-
* 3 ras

ras & amor, ut te illum baud improbatum facile crediderim, quum sacrum hoc eruditionis genus excolere ac amare soleas, & Scriptores harum rerum singulari foveas & excipias comitate. Quam equidem cum omnes qui te norunt experiuntur, tum ego multis nec levibus affectus cumulatufque beneficiis inhumanus plane fuiſſem ac difficilis, ſi hanc occaſionem urgere neglexiſſem, qua nobiliſſimo tuo in ſacras ſeverioresque muſas genio ac animo, & tuæ tam inſigni in me benevolentia inciperem reſpondere. Eſſi vero pro multiplici doctrina & eruditione, qua abundas & præſtas, minima ac parva eſſe, quæ ſcribo, vel ipſe cognoscerem, cum tamen illorum officiorum, quibus me Auguſtæ Tauri-

rinorum excepisti , nec oblivisci possem nec deberem , confidenter dum ea evulgarem arbitratus sum , hæc etiam in lectissima Bibliotheca , quam exquisito prorsus judicio ad tui delicias & eruditionem , atque ad doctorum quoque virorum adjumentum comparasti , locum habitura ; unde mihi fiat & accedat animus ad aliquid majore studio , & litterarum luce dignius conscribendum . Quod etsi sentio quam mihi arduum ac difficile sit , enitar tamen Te statore , tuisque sub auspiciis quæ jam incæpi ad exitum perducere , ut hoc modo etiam intelligas me egregia consilia tua , tuique memoriam , mihi sane jucundissimam , in oculis ac sinu continuo ferre . Vale , Vir Clarissime , & ne meum animum ex

X viii X

*hoc tenui munusculo, sed ex animo
rem ipsam ut spectes etiam atque
etiam rogo. Iterum vale.*

Scribebam Brixiae Nonis Februarii
MDCCLXIX.

NOI

X ix X
NOI RIFORMATORI
DELLO STUDIO DI PADOVA.

A Vendo veduto per la fede di revisione, ed approvazione del P. F. Pio Petrelli Inquisitor Generale del Sant'Offizio di Brescia, nel libro intitolato: *De singularibus Eucharistiae usibus apud veteres Græcos Commentarius &c. MS.*, non v'esser cosa alcuna contro la Santa Fede Cattolica, e parimente per attestato del Segretario nostro, niente contro Principi, e buoni costumi, concediamo licenza a Giammaria Rizzardi Stampatore di Brescia, che possa essere stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. li 24. Maggio 1769.

[*Angelo Contarini Pr. Rif.*

[*Alvise Vallareffo Rif.*

[*Francesco Morosini 2. Cav. Pr. Rif.*

Registrato in Libro a carte 9. al Num. 30.

Davidde Marchesini Segret.

Registrato in libro al Magistr. contro la Bestemia.
a carte 10.

Andrea Granarol Segr.

CA-

Χ * Χ

CASTIGATIONES,

Pag. 21. N. (a) Hist. c. 36. — Hist. l. 4. c. 36,

33. N. (a) Aθ, II, — Aθ, SS.

44. l. 3. πένθος — πένθους

79. l. 8. φιλύα — φιλία

80. N. (f) Panico — Punico

83. l. 2a. ἀδελφοποιητῶν — ἀδελφοποιητῶ;

COM.

COMMENTARI I

Π Ε Ρ Ι Ο Χ Η.

I. **G**raci Veteres , teste Cyrillo Hierosolymitano , pane Eucharistica oculos sanctificaverunt . II. Aliis etiam in Ecclesiis idem usus viguit , adfirmantibus Phurnesio , & Joanne Damasceno , cujus tamen verba latius extendit Petrus de Marca , III. Ad hunc Græcorum usum videntur accedere binæ consuetudines latinorum , patenam tacta hostia olim osculantium & manus versus mysteria Eucharistica extendentium ad veterum imitationem . IV. Quemadmodum Christi Corpore , ita & ejusdem Sanguine sensus Græci sanctificaverunt , teste eodem Cyrillo & Jo: Chrysostomo . V. Idem usus confirmatur Cyrilli Alexandrini , Balsamonis & aliorum testimoniis . VI. Quæ literaliter fere intelligenda sunt . Mos hic apud Latinos nunquam obtinuit , neque id sane probant illa S. Agnetis verba Sanguis ejus ornavit genas meas , ut conjicit Berlandus . VII. Memoratos vero usus Græci induxisse videntur , ut gratiam & sanctitatem uberiores ex sacro contactu perciperent , & suam fiduciam erga Eucharistiam demonstrarent ; VIII. Ac denique suum in idem sacrum mysterium amorem , & reverentiam procederent , exemplo veterum , quorum certa consuetudo pocula humore madida deosculandi , oculisque admovendi ex Luciano refertur . Eandem Græcorum in Eucharistiam reverentiam luculenter ostendit altera consuetudo eorum manu caput con-

tingendi, qua Eucharistiam perceperunt. IX. Usus porro memorati summæ illi curæ non efficiunt, quam latis legibus & canonibus stabiliverunt, ne Sanguis funderetur, aut aliqua panis Eucharistici particula disperderetur. X. Jacobitæ Christi Sanguinem in volam Episcopi Ordinantis non effundunt, ut docuit Morinus. XI. Circa diligentiam & curam panis Eucharistici singularis Ecclesiæ Constantinopolitanæ consuetudo adducitur, qua pueros diutius ejusdem reliquiis communicarunt. XII. Hæc eadem fuit Galliæ Ecclesiarum disciplina sæculo sexto. Ex quibus colligitur primis etiam temporibus Eucharistiam sub sola specie panis administratam fuisse. XIII. Græcorum singulares usus persequendo Magni Basilii factum exponitur, qui Christi Corpus secum sepeliendum curavit. Differitur hæc occasione de Columbis aureis, & Turribus, in quibus veteres Eucharistiam reservabant. XIV. Rem fere similem quam Basilii, S. Benedictus peregit, qui supra pectus defuncti Monachi, cujus corpus terra projecerat, Eucharistiam poni jussit. XV. Idem usus cum mortuis sepeliendi Eucharistiam comprobatur etiam ex vitis SS. Othmari, & Gutthberti. Sacri quoque Calices aliquando cum mortuis sepulsi sunt, neutiquam vero Christi Sanguis. XVI. Basilii Magni singularis Eucharistiæ usus ratio adferretur, conjiciturque secum eandem sepeliendam præcepisse in fidem futuræ resurrectionis, & ne mortuus a Christo Domino separaretur. XVII. S. autem Benedicti facinus ex peculiari instinctu, & confidentia in Eucharistiam pensandum esse suadetur.

detur . XVIII. Quod Sanctorum virorum exemplis confirmatur , qui aut modis insolitis sacrum fecerunt , ut Lucianus Martyr , Theodoretus Cyri Episcopus , XIX. & Gregorius Episcopus , Gregoris Nazianzeni pater , XX. aut ad res insolitas addibuerunt Eucharistiam , quemadmodum S. Gorgonia ad corporis sanitatem adsequendam . XXI. Cum usu vero descripto sepeliendi Eucharistiam non est confundendus abusus ille mortuos communicandi , a Græcis præcipue in defunctos Episcopos usitatus , cujus abusus rationes non satis congruas Balsamon , Albaspineus & alii adduxisse videntur . XXII. Verosimile fuerit nonnullos populos id præstitisse , ut sacrum facerent maxime Paganorum , obelum in ore mortuorum includentium , ut Charonti satisfacerent . XXIII. Quam conjecturam probabilem efficiunt alia quedam , quæ Christiani usi sacris mysteriis peregerunt ad eundem Paganorum imitationem . XXIV. Nomen Viatici antiquitus Eucharistia insignita est , neque idem nomen sortitam esse dici potest ex abusu mortuos communicandi . XXV. Panis Eucharistici usibus fere enumeratis iam expenduntur , in quibus Græcos veteres Sanguinem Christi addibuisse a multis creditur . Hos inter Pyrrhi Constantinopolitani Patriarchæ condemnatio numeratur , quam , Theophano narrante , Theodorus I. R. P. calamo in sacrata Christi Sanguine intincto subsignavit . XXVI. Quod Theodorum fecisse secundum peculiarem Græcorum ritum Antonius Pagi opinatus est . XXVII. Simili ceremonia Phariis condemnatum fuisse . prodit Nicetas , cognomente

mento David Papblago , cujus tamen narratio dubia videtur . XXVIII. Idem adferendum de Pyrrhi exauclorazione , quum aliis omnino modis & ceremoniis Romani Episcopi hereticos consueverint condemnare . XXIX. Hinc nec ipse Theodorus simili ritu Paullum , Pyrrhi successorem , exaucloravit . XXX. Theophanes primo ex veteribus Christi Sanguinis in Pyrrhi condemnatione adbibiti meminit . Silent de hac re PP. Concilii Lateranensis a. 649. celebrati . XXXI. Siles pariter scriptor Libri Pontificalis , tragicam Pyrrhi historiam fuse commemorans . XXXII. Auctor græcus Libelli Synodici non majorem promeretur fidem quam Theophanes , quem diligenter exscripsit . XXXIII. Quemadmodum etiam auctor Historiæ Miscellæ , qui Anastasii Historiæ ex Theophane excerptæ diligenter adhæsit . XXXIV. Nunciat vero etiam Theophanis hac in historia fides , cujus Chronographia inordinata est , & narrationes continet contradictorias , judice Goario . XXXV. Idem tulerunt judicium Caveus , & Oudinus ; sed hujus conjecturæ , quibus Chronographiam Theophani nititur abjudicare , ineptæ sunt , XXXVI. Consentiant citatis auctoribus illustres Gallie Scriptores , qui merito conqueruntur fabulosa sæpe Theophanem enarravisse . XXXVII. Hinc oritur suspicio singularem illam ceremoniam collegisse Theophanem ex vulgi rumore , cui vulgando opportunissimi erant Monothelæ , Romane Ecclesiæ hostes insensissimi . XXXVIII. Etsi autem singulare Theodori factum certum constitueretur , & indubium , male inde tamen Protestantes collige-

ligerent , ipsum non credidisse realem Christi in Eucharistia presentiam ; XXXIX. Quum hæc & alia insolita Sanctorum gesta eandem statuunt , & probent . XL. Excussa Pyrrhi Patriarchæ condemnatione ceteri singulares Græcorum usus expendantur ; ac cum primis usus ille jurandi sibi mutuo fraternam fidem hausto Christi poculo ; quem morem veteres PP. induxerunt , ut Gentilium consuetudinem feram & barbaram , humanum scilicet cruorem ebibendi , sacram facerent . XLI. Qui hoc modo sibi fraternam fidem jurabant fratres appellati fuere . XLII. Ad fidem dandam consuevere etiam Græci acta crucis signo , Christi sanguine effuso , subsignare , vel saltem eadem ad presentiam sacrorum mysteriorum firmare . Hoc modo Barde Cesari fides data est a Michaele Imp. Theophili filio , ac Basilio , teste Leone Grammatico . XLIII. Meminit ejusdem rei Leo Hamartolus . XLIV. Crucis porro signo veteres ea subsignabant , quæ sancta & inviolata esse volebant . XLV. Vestigia bujusce usus acta subscribendi calamo in Christi Sanguine intincta adparent in fœderis instrumento Armeniorum , confecto illo quidem , sed tamen antiquo , ut censet Lupus Dis. de VI. Syn. c. 5. XLVI. Alterum exemplum latinorum suppeditat Baluzius in notis ad Agobardum . XLVII. Quam Græci aliiq. Orientales sumere Eucharistiam consuevere ut fidem darent , eadem Latini usi sunt , ad objectorum criminum purgationem . XLVIII. A Græcorum usibus singularibus eximenda non est consuetudo aquam calidam , facta consecratione , in calicem infundendi .

pendi . XLIX. Hanc consuetudinem immerita
exagitarunt cum Humbertus Cardinalis, tum alii
Latinorum in Concilio Florentino . L. Alteram ,
sed recenter , Græci consuetudinem invexerunt ;
prasanctificatum nimirum ægrotorum panem Chri-
sti Sanguine tingendi . LI. Id vero faciunt vel
Sanguinis in ligno Crucis a Christo Domino ef-
fusi significandi causa, vel ut exprimant Redem-
ptoris ejusdem resurrectionem . LII. Non vera
quasi Communionem sub utraque specie hoc usu
infirmis se præbere profiteantur . Hanc sub sola
specie panis antiquitus administrare soliti fuerunt ,
ut constat cum multis exemplis , tum præcipue
ex senis Serapionis Historia , quam Eusebius re-
citât . LIII. Panem parvo Eucharisticum , ut
facilius ab ægrotis deglutiretur , aqua vel ut
probabilius videtur, vino madefaciebant . LIV. De
hac intinctione loquitur Canon 76. Concilii IV,
Carthaginensis , quo perpetam Franciscus Ber-
tendius usus est ad probandum antiquitus Chri-
sti quoque Sanguinem conservatum fuisse , LV. Non
bene quoque idem scriptor sensum intellexit Epi-
stolæ Joannis Chrysostomi ad Innocentium I., quæ
explicatur , & Commentarius absolvitur ,

DE singularibus, qui olim apud Græcos fuerunt, Eucharistiæ usibus scribere ingredimur, ceu de re dignissima Commentario. Horum usuum sane aliquot, quorum causa ac ratio non satis explorata fuerat, nec diligenter, uti par videbatur, origo hæcenus expensa, magnis etiam Viris displicuerunt: alii temere & inconsulto prorsus reprehensi: alii denique crediti, Græcisque veteribus adjudicati, qui nunquam viguerunt. Nostri erit igitur instituti ac propositi singularium maxime atque insignium horum usuum causas & origines investigare, factaque, quibus innituntur, accurate perpendere; unde pleaque Eucharisticæ Græcorum disciplinæ capita pro nostro ingenio collustrentur; simulque clarum fiat non pauca Sacramentorum Ecclesiæ Catholicæ oïes jactare parum critice nimisque confidenter.

A

I. Sin-

1. Singulares porro inter ritus ususque veterum Græcorum, de quibus, uti modo diximus, in hoc Commentario sumus scripturi, is antiquior videtur, eorumque, a quibus præceptus fuit, auctoritate minus obnoxius reprehensioni; quo scilicet nonnullis in Ecclesiis Christiani panem Eucharisticum manibus recipientes secundum morem ferme omnium Ecclesiarum eodem sensus corporis sanctificarent. Hic fuit mos cum primis Hierosolymorum, quibus præcipiebat Cyrillus, illustris eorundem Antistes, ut oculos sacro pane contingerent (a): Προσιὼν ὄνῳ, inquit, μὴ τεταμένῳ τοῖς ὀφθαλμοῖς καρποῖς προσέχῃς, μηδὲ διηρημένῳ τοῖς δακτύλοις· ἀλλὰ τὴν ἀριστερὴν θρόνον ποιήσας τῇ δεξιᾷ, ὡς μελλούσῃ βασιλεῖα ὑποδέχῃσθαι· καὶ κοιλάνας τὴν παλάμην, δέχῃ τὸ σῶμα τοῦ Χριστοῦ, ἐπιλέγων τὸ, Ἀμήν· μετ' ἀσφαλείας ὄνῳ ἀγιάσας πρὸς ὀφθαλμούς· τῇ ἐπαφῇ τοῦ ἁγίου σώματος, μεταλάμβανει. *Accedens autem ad communionem non expansis manuum volis accede, neque digitis disjunctis, sed sinistra veluti sedem quandam efficias dexteræ, quæ tantum Regem susceptura est, & concava manu suscipe corpus Christi, dicens, Amen. Oculis inde sancti Corporis*

ris

(a) Catech. V. Myflagog.

his attactu circumspēcte sanctificatis, communica-
 Noscis hoc Cyrilli testimonio Hierosolymitanos
 non solum oculos sacro pane tetigisse, sed modum
 etiam tenes, quo illum excipiebant, concava
 nimirum manu, uti etiam Sexta Synodus præ-
 scripsit (a). In veteri Hagiothecio, quod vir
 præclarissimus Paullus Paciaudius, una cum se-
 lectis Antiquitatum Christianarum monumentis,
 docte prorsus & erudite explicatis, divulga-
 vit (b), ad illum modum compositæ visuntur
 manus S. Mariæ Ægyptiacæ, a Zozima Abbate &
 Heremicola panem Angelorum recipientis.

II. Usus a Cyrillo modo memoratum, ejus
 ætate novum haud fuisse Hierosolymis, patet
 ex eadem Catechesi, quæ est de sacra Liturgia.
 In hac plane Cyrillus posteaquam morem
 hunc cum probatis receptisque ritibus memo-
 rasset, admonet demum traditiones hujuscemo-
 di inviolate custodiendas esse, quod dicere non
 poterat, si ille aut suo tantum tempore fuisset in-
 vectus, aut modicam habuisset antiquitatem. Sed
 nec peculiarem fuisse Hierosolymis, nec tantum
 Cyrilli ætate viguisse, aliis discimus testimoniis
 Scriptorum. Eum sane memorat S. Joannes Da-

(a) Can. III.

(b) De Cultu S. Jo: Baptiste &c. Diff. IX. pag. 389.

nascens, & ad frontem ac labia extendit cum
 ait (a): Προσέλθωμεν αὐτῷ πόθῳ διακαῶς · καὶ
 σταυρωθῶς τὰς παλάμας τυπώσαντες, τῷ ἑσταυρωμένῳ τὸ σῶμα ὑποδεδώμεθα · καὶ ἐπιθίντες
 ὀφθαλμούς, καὶ χεῖλη, καὶ μέτωπα τῷ Θεῷ
 ἄνθρωπος μεταλάβωμεν, ἵνα τὸ πῦρ τῷ ἐν ἡμῖν
 πόθῳ προσλαβὼν τὴν ἐκ τῷ ἄνθρωπος πύρωσιν
 καταφλέξῃ ἡμῶν τὰς ἀμαρτίας, καὶ φωτίσῃ
 ἡμῶν τὰς καρδίας, καὶ τῇ μετῴσῃ τῷ Θεῷ
 πυρὸς πυρωθῶμεν, καὶ θεωθῶμεν. *Accedamus
 ad eum desiderio ardenti. Manum in modum
 crucis formantes Crucifixi corpus suscipiamus, &
 apponentes Communioni oculos, labia, & frontem
 divini carbonis flamus participes, ut ignis de-
 siderii, qui in nobis est, ex eo carbone accen-
 datur, & comburat peccata nostra, & illumines
 corda nostra, & participatione divini illius ignis
 igniamur, & deificemur. Quæ verba non be-
 ne, ita uti ego arbitror, intellexit Petrus de
 Marca (b), dum credidit iisdem significasse
 Damascenum accedentes ad communionem ex
 humore labris adhærente ob Sanguinem Christi
 exceptum sensus inunxisse. Nam id de solo
 Corpore affirmat, etsi aliis in Ecclesiis sangui-
 nem*

(a) De Fide Orthodoxa Lib. 4. c. 13.

(b) In Notis ad Concil. Claromont. N. ad Can. xxviii.
 inter ipsius Dissert. Ecclesiast.

nem quoque adhiberent, quemadmodum post pauca dicemus. Testatur autem idem, quod Damascenus, Ioannes Phurnesius, cujus Epistolam de Ritibus a Græcis immutatis, præcipue circa Communionem, e cimeliis suis edidit Allatius (a). En Phurnesii verba: ἕως ἀπεκατέστη τὸ μικρὸν τὸ τῆς οἰκονομίας μυστήριον * ἐπεὶ δὲ μὴ μόνον οἱ τοῦ βήματος, ὡς περὶ νῦν, ἀλλὰ καὶ πάντες ὁμοῦ ταῖς χερσὶ τῶν ἱεράντων ἄρτον δεχόμενοι, χεῖρας τε περὶ πτυσσόμενοι, καὶ ὀφθαλμοῖς ἐπατιθίντες, ἕως αὐτὸν ἥδιον. Sic paulatim aconomia mysterium subsistit: cum etiam non solum sacris initiati homines, ut nunc quæque, sed omnes simul panem cælestem accipientes, labiisque deosculantes, & oculis apponentes, ita demum consumeabant. Alia in se clara atque aperta adferre testimonia ut longum sit, ita minime necessarium.

III. Cur porro Græci descripta hæcenus uterentur consuetudine, infra explicabimus: modo animadvertimus ad hunc usum aliqua ratione accedere morem illum, qui olim erat in Ecclesia Aurelianensi, in cujus vetusto Missali edito A. 1504. post orationem *Libera nos &c.* dictisque illis verbis *cum omnibus Sanctis* præ-

(a) De Consensu &c. c. 13. §. 15.

capitur celebranti : *Hic tangat hostiam patenam, & sacra hostia ponat patenam ad os, & ad osculos, & signet se dicens &c.* Accedere pariter ad eundem usum videtur altera consuetudo Melitæ aliisque in locis usurpata, ut refert Macrius (a) quod nimirum dum Sacerdos elevat sacra mysteria, populus adstans manus volam versus ipsa extendat, indeque oculos religiose tangat; ostendens hoc modo se cordis affectu peragere, quod veteres immediata manus actione, relique sacræ contactu exsequabantur. Sed hæc fortasse in cultus signum ad veterum imitationem peracta sunt; nam isti, observantibus Joanne Frontone (b), Barnaba Brittonio (c), & Joanne Lomejero (d), quæ objectum adorandum non poterant osculo contingere, extendebant manus in illud, indeque ad os deferebant. Quod osculum ab Achille Tatio vocatur (e) ὀνομαστικὸν φίλημα, *osculum missile*; unde jactari oscula solent, quæ ore ad os dari non possunt. Hinc intelliguntur, quæ agebat Minutius Felix in Octavio: *Ecce simulacro Serapidis denotato, nempe per ma-*

(a) Hierolex. V. *Hostia*. & Berlend. inf. cit.

(b) Dissert. De cultu Sanctor. §. IV.

(c) De formul. &c. Lib. IV.

(d) Dissert. De Osculi.

(e) Lib. II.

manus extensionem , ut *vulgus superstitiosum solet*, manum ori admovent, osculum labiis preffit. Recte proinde adorantes manum prius porrigere, indeque ad os referre solitos fuisse scripsit Lipsius, immerito a Lomejero (a) reprehensus, contendente semper primo osculatos fuisse manum, inde illum versus, quem venerabantur, protendisse.

IV. Quemadmodum vero Græci pane Eucharistico sanctificarunt sensus, ita eos quoque Christi sanguine linire atque inungere consueverunt. Testis pariter hujusce moris Cyrillus (b) sanguine divino potum ita admonens: *Ετι δὲ τῆς ποτίδος ἐκίσης τοῖς χαίλεσί σου, χρῶν ἐπαφώμενος, καὶ ὀφθαλμοῖς, καὶ μέτωπον, καὶ τὰ λοιπὰ ἀγιάζε ἀιδνητῶς. Et quum adhuc labiis tuis adhæret ex eo (sanguine) mador, manibus adtingens & oculos & frontem & reliquos sensus sanctifica*, Suspiciari autem licet hanc Ecclesiæ Hierosolymitanæ disciplinam a sua Patriarchali Metropoli, quæ tunc Antiochia erat, acceptam fuisse; nam S. Joannes Chrysostomus dum ibi moraretur Antistes, Sacerdotem describens sacris operantem myste-

riis,

(a) Loc. cit.

(b) Cit. Catechesi,

riis, & Christum super Altare oblatum, aje-
bat (a) omnes adstantes pretioso illo Sanguine
rubesceri: καὶ πάντας ἐκώϊω τῷ τιμίῳ Φοινί-
σομένους αἵματι.

V. Sed & id aliis quoque ab Ecclesiis usi-
tatum. Cyrillus Alexandrinus explicans figuram
Agni, cujus sanguine Hebræi adversus Ange-
lum vastatorem domorum postes tinxerunt (b)
ait (c) portas nostras, sensus scilicet, Christi
sanguine liniri: Θύρας δὲ νοήσεως τὰς ἐν ἡμῶν
αἰσθήσεως, per quas invadit demon nisi Christi
sanguine liniantur: ὅ γὰρ ἦσαν κατεκχευσμένα
τῷ αἵματι τοῦ Χριστοῦ. Quæ præ oculis ha-
buisse videtur Theodorus Balsamon dum scri-
psit (d): τῷ αἵματι καὶ τῷ σώματι Χριστοῦ
τὰς τῶν αἰσθήσεων παραθύρας χρίόμενοι, καὶ
ἀγιαζόμενοι: inungentes & sanctificantes sensuum
nostrorum januas sanguine & corpore Christi, &
Theodorus Studita in hæc verba (e): Νεὸς
oculi angusto sanguine piati efferum cernunt.

Au.

(a) Lib. III. de Sacerdot. in 2. ad Cor. T. I. Operum
edit. Parif.

(b) Levitic. 16. v. 14.

(c) Lib. II. Glaphyror. in Exod. pag. 270. apud Augu-
stinum Tourtée in Admon. ad cit. Cyrilli Hiero-
solymit. Catech. apud quem & alia testimonia.

(d) Epist. de jejun. 14. T. 2. pag. 503. Coteler. Monum.

(e) Serm. 46.

Audor quoque Tragicomœdiæ Χριστὸς πασχών
Christus Patiens inscriptæ (a), idem sensisse vi-
 detur; in ea namque Θεοτόκος Deipara de Cen-
 turione qui lancea Christi latus perfodit, ita
 loquitur :

Ἀρύεται πὲρ χειρὶ κρείνῃ, καὶ κόρας

Ἐχέσεν, ὡς εἶπεν, ὡς ἀγνοῖα' ἔχῃ.

E fonte manibus haurit, & inunxit pupas,

Ita ut decebat, sanctitatem inde expetens.

Ufus porro hic Christi sanguine sensus inun-
 gendi diutius altero perduravit; quum adin-
 vento scilicet Cochleari multis in Ecclesiis de-
 siverit mos recipiendi manibus Eucharistiam.

VI. Quamquam vero nonnulla Scriptorum;
 quæ adtulimus, dicta, figurate prolata videri
 possint, nec rei usitatæ historiam aperte refe-
 rant, quum tamen aliquot, Cyrilli Hieroso-
 lymitani, & Joannis Damasceni præsertim,
 clarissima sint, usumque de sanctificandis sen-
 sibus & organis corpore & sanguine Christi
 manifesto indicent, jam nihil impedit quominus
 etiam cætera testimonia ad litteræ sensum
 excipiantur. Figurate potius locutam fuisse ar-
 bitraretur S. Agnetem Virginem & Martyrem illo
 in dicto: & sanguis ejus ornavit genas meas;
 quo Franciscus Berlendius, vir doctus, credi-
 dit

(a) Inter Opera Greg. Nazianz. T. 2. p. 272.

dit (a) eandem quoque consuetudinem fuisse Latinorum, institutam a S. Petro Antiochena in Ecclesia, atque inde Romæ confirmatam. Certe si unquam usus iste Romæ a Principe Apostolorum fuisset inductus, non adeo facile obsolevisset, extarentque ejusdem vestigia in trium primorum sæculorum latinis Scriptoribus, quum Sancta Agnes quarto ineunte Martyr obierit. Sed cum hæc nullibi occurrunt, tum Sanctæ Virginis Acta germana & authentica perisse Ruinartius dolet; ea vero, in quibus laudata verba reperiuntur, quæque D. Ambrosio adscripta sunt, metaphoris abundant, & verba ipsa iisdem commixta sunt; *Jam mel*, inquit ad Urbis Præfecti filium, qui eam amore deperibat, *& lac ex ore ejus suscepi*; *jam amplexibus ejus castis adstricta sum*; *jam corpus ejus corpori meo sociatum est*, *& sanguis ejus ornavit genas meas* (b). Itaque hic usus solis Græcis, & his quidem non multis, videtur adscribendus.

VII. Facile autem crediderim Græcos veteres enarrato hætenus more usuque declarasse se id majoris sanctitatis, uberiorisque gratiæ percipiendæ causa fecisse, non superstitione du-

(a) De Oblationibus ad Alzare §. V. n. 2.

(b) Bolland. Act. Ss. Tom. I. ad diem 21. Jan. n. 3.

ductos , ut aliqui nimis profecto rigide senserunt , Rivetus præcipue , infelicissimus Criticorum . Nam qui verbis clarissimis semper protestati sunt ex contactu consecrati Sanguinis sanctificari calices , eos quoque absque ulla dubietate statui potest credidisse sanctificari , tegique sensus corporeos tam augusto vivifico , que mysterio , quod est in hominum salutem institutum . Sed & aperte Græci eodem usu prodiderunt magnam se in mysteria Eucharistica habere fiduciam , maximumque in his robur agnoscere , uti olim Hebræi dum limina domorum mactari agni sanguine tinxerunt . Hos sane atque alios recti piique animi sensus explicare consueverunt in Orationibus ab iisdem percepta communione recitari solitis . Dicunt scilicet : *miscuisse Christum corpus & sanguinem suum corpori sanguinique eorum , qui communionem acceperunt : linguam eorum suscepisse corpus & sanguinem ejus , atque eo fidelium labra peruncta , sicut olim Israelitarum postes Agni sanguine : sanctificata per Eucharistiam in spem resurrectionis ad æternam vitam fidelium corpora : tenuisse se manibus , vidisse in disco , & in calice , & ex illis accepisse corpus ipsum assumptum ex Maria Virgine , in quo natus est Dei filius , quod in præsepi positum , cruci affixum , lancea per-*

perforatum, in sepulcro collocatum, resurrexit, & ad cælum ascendit. Cæterum Græcos corporis & sanguinis Christi contactu sanctiores se fieri censuisse, muniri que inde sensus adversus carnis illecebras irruentesque vicissitudines existimasse, ex eorum quoque Patrum testimonio colligitur, qui hujus meminere usus, quique fideles, ut id præstarent, clarissime docuerunt. Hos vero omnes, tantosque Viros qui superstitionis inculcare velit, is vereor ne ab omnibus ipse impudens habeatur. Summam sane potius hac in consuetudine suspicere Protestantes deberent Græcorum in Eucharistiam curam & fidem, qua curabant ne vel minimæ sanguinis guttulæ, ex hisque profluens humiditas & mador perirent, sed ad sensuum sanctificationem cuncta deservirent.

VIII. Quamquam censeo ipse Græcos, dum sanguine liniverunt sensus, suum in Christum amorem significare etiam voluisse exemplo Veterum, a quibus ceu insigne amoris benevolentiaque signum habebatur madida adhuc & humore stillantia osculari pocula, oculisque applicare. Hinc Lucianus præcipuum amoris signum percensens in Dialogo Junonis & Jovis ita loquentem inducit Deam: *ὡς τὸ μὲν πρῶτον ἡγούμεν τὸ πρᾶγμα διό τι ἀπενὲς ἀφ' ἑωρᾶ ἐς ἑμέ:*

ὁ δὲ καὶ ἔστι, καὶ ὑπεδάκρυε· καὶ εἰ ποτε πιῖσα
 παραδοίλω τῷ Γανυμήδει τὸ ἔκπωμα, ὁ δὲ ἦτο
 ἐν αὐτῷ ἐκθῆναι πινῶν· καὶ λαβὼν ἐφίλει μεταξὺ.
 καὶ πρὸς πῶς ὀφθαλμῶς προσῆγε· καὶ αὐθις
 ἀφειώρα ἐς ἐμέ. *Ac primum ignorabam quid rei*
esset, cur me insentis oculis aspiceret: ipse etiam
ingemisceret & sublacrymaretur: & si aliquando
potā poculum Ganymedi praberem, in eodem po-
tum peteret, atque interea oscularetur captum,
oculisque admooveret, ac rursus me intueretur.
 Idem amoris signum luculenter etiam expres-
 serunt, dum Christi corpus, antequam illud
 comederent, labiis, fronti, & oculis admo-
 vebant; ea enim omnia peregere, quæ fidem;
 amorem ac summam in illud religionem com-
 monstrarent. Neque diverso sane modo alter
 eorundem Græcorum usus explicandus est; quo
 scilicet sancti Panis communione consumpta
 manum, qua illum exceperant, capiti conse-
 stim admovere solent. Consuetudo etenim
 Orientalium est venerationis & honoris causa,
 observante Goario, ipsoque non diffidente Ar-
 eudio, manum fronti admovere, cultumque
 hoc modo in personas dignas obsequio pro-
 testari. Ita Græci manu, qua perceperunt
 panem Eucharisticum, caput illico contingunt;
 nullo tamen profanandarum specierum, quæ
 forte

forte manui adhæfissent, periculo, sed hæc prius sacra sponsia in disco diligentissime absterfa (a). Purificatorii enim Latini dicti munus agit in Altaribus Græcorum *Sponsia* subtilis, lenis, tersa, ac delicata, quemadmodum Plinii *Penicillus*, vel Festi *Peniculus*. Usus igitur hunc dum concitato, ut plerumque, spiritu Arcudius insectatur (b), nec humanus videtur in suos, nec bonus historicus. Cæterum quum usus modo memoratus non multam vindicare sibi vetustatem possit, inductusque a Græcis videatur non causa tantum honoris Sacramento deferendi, verum etiam gratiæ uberioris percipiendæ, sanctitatisque ex manu contrahendæ, quæ exceperit augusta mysteria, datur hinc conjecturæ locus hunc in prioris locum cecidisse, quo corpore. & sanguine Christi sensus ab iisdem sanctificatos fuisse diximus.

IX. Ne tamen ex dictis colligatur Græcos veteres ac recentiores non multam Christi corporis sanguinisque habuisse curam, quum hoc sensus delinirent, illud vero iisdem applicarent, & confidentius, quam par aut fas esse videatur, manibus attrectarent, etsi jam satis, cur
id

(a) N. 173. ad Miss. Chrysostom.

(b) Lib. III. Concord. c. 60.

Id facerent, dictum sit, fuerit tamen hoc loci
operæ pretium observare summam curam, qua
perpetuo Græci sategerunt ne quid sanguinis
effunderetur, aut panis Eucharistici particula
pessumiret. Gabriel Filius Tarich, qui Pa-
triarcha Alexandrinus ordinatus est Anno J. C.
MCXXXI, in Rituali suo ita præcipit: *Dens*
prohibeat; ne per eorum negligentiam quidquam
in terram decadat, & ea propter gravissimo judi-
tio sint (Diaconi) obnoxii. In Collectione Ca-
nonum Ebnassali (a) statuitur ne calix usque
ad labra impleatur, ita ut effluat aliquid, &
in terram effundatur. In Canonibus, qui vocan-
tur *Præcepta secunda Apostolorum*, eadem præ-
scribitur sollicitudo: *Unusquisque summam cu-*
ram adhibebit, ne quis infidelis ad communionem
Sacramentorum admittatur: ut etiam ne mus,
aut aliud animal ad ea accedat, aut aliquid
decadat, & peccet, cum sit corpus Christi &
sanguis ejus: Omnis igitur fidelis qui Sacramentis
communicat, non debet circa illud negligens esse,
neque enim oportet aliquid effundi ex calice,
postquam in Dei nomine benedictus est, & illum
percepit, quia sanguis est Christi. Cave igitur
quicumque sis sedulo, ne quid ex eo effundatur,
ne

(a) Cap. 13.

ne eum immundi spiritus polluant, atque is esto, qui asperneris sanguinem Christi, reusque sis tamquam contemptor illius sanguinis, quo redemptus es. In Quæsitis & Responsis de jure decretum est Sacerdotem, cujus negligentia aliquid ex corpore, aut sanguine Christi decidit super Altare, aut extra, vel in sacra vestimenta, abstineri per quadraginta dies ab Altaris ministerio & communione, jejunareque per illud tempus, abstinendo ab esu rerum pinguium, & quavis nocte quinquaginta metanoeas (prostrationes) facere. Hæc autem & alia de singulari in Christi sanguinem cura ac reverentia Græci stabiliverunt secundum fidem vetustiorum Orientalis Ecclesiæ Patrum, quorum præclara testimonia, corporis & sanguinis Christi veritatem in Eucharistia comprobantia, Viri de Ecclesia optime meriti, Arnaldus & Renaudotius collegerunt. Eadem quoque cura ac sollicitudo fuit Latinorum, uti ex multis Pœnitentialibus a Marteno editis, Ivone Carnotensi, Burchardo & Rheginone & aliis bene multis constat. Hoc enim unum est ex præcipuis fidei ac religionis in mysterium Eucharisticum capitibus, in quo utraque Ecclesia semper mirifice consensit, sicuti est etiam adoratio Eucharistiæ, attentissima minutarum particularum collectio, atque cura

cura ne decidunt , ne mucescant , & si quæ sunt aliæ ; de quibus inepte Protestantes litteram movent , dum noviter inducta a Græcis Latinisque venditant . Quamquam enim Libri Sacramentales veteres græci ac latini enucleatam diffusamque horum , atque aliorum rituum & usum descriptionem non contineant , cum aliunde peterentur , non ideo novitatis suspicione aspergendi sunt , quasi tunc primum instituta disciplina sit , quando Liturgiis inscribi cœpta est . Fuerunt enim apud Græcos Latinosque , qui ante sexcentos & plures annos ritus ususque utriusque Ecclesiæ descriperunt . Nemo horum ritus se novos instituire , aut antiquos reformare se velle professus est ; sed unusquisque eos , qui in Ecclesia sua recepti erant , designavit ; eorumque antiquitatem omnium Ecclesiarum in præcipuis disciplinæ conformitas satis demonstrat , quod cum Renaudotius in Liturgiis Orientalibus , tum ipse & Arnaldus in Opere eximio *De perpetuitate fidei &c.* omni argumentorum genere comprobaverunt .

X. Summæ porro curæ , qua Græcos ceterosque Orientales procurasse diximus , ne Christi sanguis funderetur , videntur aliqua ratione adversari , quæ de Jacobitarum Ordina-

B

tio-

tionibus enarravit vir doctissimus Joannes Morinus (a). *Sed Jacobita*, inquit, *præterea aliquid Sanguinis Christi in volam Episcopi ordinationis effundunt, quo velut unctus ordinandum ungit, & effusione Spiritus largius locupletet. Verum jam pridem Renaudotius animadvertit in perdocto Morini Opere non pauca castigatione, plura vero emendatione indigere. Hæc inter ea ponit, quæ modò recitavimus ex Annot. 114. in Ordinationes Syrorum & Jacobitarum; putatque quæ ibi leguntur ita excipienda esse secundum MS. Florentini explanationem, ut Episcopus ad consecrata dona manus extendens hæc non contingat, sed perinde faciat quasi aliquid manibus acciperet; ait enim de Ordinationibus loquens Jacobitarum (b):*

ce qu' il ya de particulier est que dans ce dernier Office il est marqué, que l'Evesque imposant les mains, les met auparavant sur le voile, qui couvre les saints mysteres, & voicy les paroles de la traduction: „Episcopus ponit manus suas super „mysteria, & extendit brachia sua contrahitque „tribus vicibus accipiens de Calice in pugillum suum

(a) P. II. Comment. de Sac. Eccles. Ordinationib. Annot. in Syrorum Ordinatio. Annot. 114. pag. 503.

(b) *Perpetuité de la Foy &c.* Tom. V. c. 8. pag. 369.

,, suum cum mysteria colligunt, & cooperiunt
 ,, pēplo, seu linteo sacro,, Ces paroles sont inin-
 telligibles, & le sens qu'on y pourroit trouver est
 contraire a la discipline certaine, & constante de
 tout l'Orient. Car le respect qu'ils ont pour
 l'Eucharistie ne permet pas de croire qu'ils en ver-
 fassent quelque particule dans la main de l'Eves-
 que, come nous l'avons fait voir ailleurs. Ce
 qui est donc plus clairement expliqué dans le
 manuscrit de Florence, & qui se pratique en d'au-
 tres ordinations, est que l'Evesque estend ses
 mains sur le disque ou la patene, & sur le Ca-
 lice, qui sont couverts de leur grand voile: qu'
 ensuite il ferme les mains comme s'il prenoit
 une poignée de quelque chose, faisant ainsi en-
 rendre qu'il les sanctifie en cette maniere, en
 les ayant approché des saints mysteres. Quæ Re-
 naydotii cogitata a veritate aliena non videntur.
 Licet enim Orientales magnam vim, cum de
 sacris agitur rebus, in contactu statuunt, ali-
 qua tamen interdum præstant, quæ ab illo
 longe absunt, licet contactum mysteriorum
 exprimere, atque exoptare videantur. Sane in
 Liturgia Nestoriana, quæ Sanctorum Aposto-
 lorum dicitur, ubi hostiæ osculum exponitur,
 antequam fractio, & consignatio ejusdem fiat,
 hæc leguntur; osculatur Sacerdos hostiam in mo-

dum crucis, ita tamen ut ad labia sua non adjungat: sed eam quasi osculatur, & suscipit utraque manu, tum dicit. &c.

XI. Curæ ac diligentæ Sanguinis haud fundendi egregie sollicitudo respondet, qua perpetuo adnisi sunt, & legibus caverunt severioribus, ne qua vel minima remaneret in Altari particula Eucharistici panis, ac disperderetur. De fragmentis, quæ κλάσματα dicuntur, minutioribus, oculisque non facile perviis, singulare quiddam præcipiebant (a), nempe ut Sacerdos postquam discum diligenter absterfit, & calicem abluit, dicat, si membrum aliquod, hoc est particula corporis Christi remanserit, scientiæ tuæ, quæ mundum creavit, maneat commendatum: esto ei custos Domine & nobis propitius. Echimenensis ita statuit (b): caveant diligenter Sacerdotes & Diaconi, ne quidquam ex Eucharistia residuum sit, & ita iudicium gravissimum incurrant, exemplo Filiorum Aaron & Heli, quos disperdidit Spiritus Sanctus, quia negligentius administrabant sacrificia Deo oblata. Quanto vero magis id metuendum est illis, qui negligent se habent erga Corpus & Sanguinem
Chri-

(a) In Cod. Syro-Colbert. apud Renaudot. In Comment. ad Liturg. Copt. S. Basilii.

(b) Apud Renaud. loc. cit.

Christi Domini. Hæc & similia constituuntur in Quæsitis & Responsis Canonicis, Collectionibus Canonum, & Ritualibus, e quibus profecto petenda est Eucharistica Orientalium disciplina, non ex vulgi rumoribus, aut vanis ineptisque Itinerariorum scriptionibus, ut fecerunt Protestantes. Ecclesiæ autem Constantinopolitane singularis & vetus consuetudo fuit, ut pueri innocentes e scholis accersiti μερίδας, Eucharistici Panis scilicet particulas, quæ a communione superfuerant, ipsi consumerent. Huiusce usus testis locupletissimus Evagrius, qui illustre etiam factum, quod puero hebræo contigit, hisce verbis commemorat (a): *Petus est consuetudo Constantinopoli, ut quoties ex sacris partibus immaculati Corporis Dei nostri magnus numerus superfuerit, pueri impuberes ex iis, qui Grammaticorum scholas frequentant, evocentur, qui eas manducant. Ἰθὺς παλαιὸν βέλεται ἀπὸ τῶν Βασιλείουσαν, ὅτ' ἂν πολὺ τι χρῆμα τῆς ἁγίας μερίδων τῆ ἀχράντης σώματος Χρῆς ἢ τῆ Θεῆς ἡμῶν ἐναπομείνοι, παῖδας ἀφθόρους μεταπέμψας γίγνηται παρὰ τῆς ἐς χαμαιδιδασκάλου φοιτῶντων, καὶ ταῦτα καταδίειν. κ. τ. λ.* Id igitur eo tempore quum accidisset una cum aliis pueris

(a) Hist. c. 36.

convocatus est filius vitriarii cujusdam, qui se-
cunda erat judæus. Hic puer parentibus causam
moræ ex ipso sciscitantibus, id quod factum fue-
rat exposuit, & quid ipse una cum reliquis
pueris degustasset. Pater ira atque indignatione
succensus, illico filium correptum in fornacem
ardentem conjicit, in qua vitrum formare consue-
verat. Mater vero puerum queritans cum reperire
non posset, per totam urbem circuibat, plorans,
atque ejulans. Tertio vero die ad ostium offi-
cina mariti sui stans, filium nominatim incla-
mare cepit, flens ac se ipsam lacerans. Tum
puer, agnita matris voce, et respondit ex fornac-
e, statimque mater perfractis foribus introgres-
sa, puerum inter carbones stantem videt, quem
ignis nullatenus ambusserat. Qui postea interro-
gatus quonam modo illæsus permanisset, mu-
lierem quandam purpurea indutam veste ad se
crebro ventitasse, aquam ipsi porrexisse, & car-
bones, qui juxta ipsum erant, restinxisse, ac
cibum denique esurienti præbuisse respondit.
Hæc cum nuntiata Justiniano fuissent, pue-
rum simul ac matrem Imperator regenerationis
lavacro initiatos clero adscripsit. Patrem vero
Christianæ Religionis Sacramenta percipere re-
cusantem, tamquam proprii filii interfectorem,
in Sycensi suburbio cruci affigi præcepit.

Con-

Contigit hoc factum tempore Mennæ, Patriarchæ CP. qui sæculo sexto floruit; viguitque eadem consuetudo, reliquas nempe panis Eucharistici particulas pueris distribuendi, usque ad sæculum XIV. teste Nicephoro Callixto, qui eodem sæculo scripsit; factum enim a nobis modo ex Evagrio recitatum & ipse memorans, hæc addit (a) : *Quod quidem mihi quoque sæpenumero, quum puer adhuc essem, & maxime a prima ætate in sacris ædibus versari studio haberem, contigit.* Eandem historiam complexus est Gregorius Turonensis (b).

XII. Consuetudo, quæ in Ecclesia Constantinopolitana fuit, viguit etiam sæculo sexto in Gallia, uti discimus ex Concilio Matiscoten- si celebrato A. DLXXXV. circiter sub Pelagio II. *Quæcumque reliquæ, inquit Patres (c) Sacrificiorum post peractam Missam in sacrario supersederint, quarta vel sexta feria innocen- tes ab illo, cujus interest, ad Ecclesiam ad- ducantur, & indistincto eis jejunio, easdem reli- quas conspersas vino percipiant.* Sic ut pueri facilius particulas deglutirent, statuit Concl- lium, quemadmodum infra observabimus. Aliis

(a) Hist. lib. 17. c. 25.

(b) De Gloria Mm. lib. 1. c. 9.

(c) Can. 6. Tom. I. Concil. Galliz Lib. 8.

a Constantinopolitana in Ecclesiis Eucharistiæ particulæ , ne diutius servarentur , ac ad corruptionem accederent , vel a Sacerdotibus ipsis absumebantur , vel igne cremabantur . Hoc postremum in Hierosolymitana , Hefychio ejusdem Ecclesiæ presbytero teste , peragebatur (a) ; nam etsi optime cognoscerent Christi Corpus supra omnem corruptionem esse , malebant tamen species eo modo absumi , quam alto tantæ rei minus digno (b) . Igitur communio puerorum cum in Ecclesia Constantinopolitana octo spatio sæculorum , tum in Galiliæ nonnullis Ecclesiis solo pane Eucharistico peracta est , ut ex adductis factis , ac monumentis constat , quin nemo unquam hæc synaxes condemnarit . Consequentî inde tempore alias ob causas mutatus hic mos est ; eas scilicet , ob quas pleraque disciplinæ capita obsoleverunt , nec ea propter horum desuetudine usus priores fuisse reprehensos dici potest . Manet tamen antiqui moris memoria in canonibus , sacrisque Ecclesiæ documentis , quibus Sacramentarii edoceri possunt , si tamen volunt , Eucharisti-

(a) In Levit. Lib. II. C. 68.

(b) Bossuetus *Traité de la Communion* &c. p. p. Peronius *De l'Eucharistie* . Liv. III. Chap. VI.

charistiām non semper, nec ubique sub utraque specie administratam fuisse.

XIII. Sed ut veterum usus & facta persequamur, primo loco Basilii Magni facinus expendendum est; qui, uti legitur in ejus Vita, quam Amphilochio, Iconiensi Episcopo & Basilii æquali, esse adscribendam Jacobus Goarius putat, quum primo divinis mysteriis operatus est, sacrum Panem in tres partes divisit, quarum una se communicavit, alteram Columbæ (a) aureæ inclusam super altare appen-

(a) Extabat jam hujus vitæ versio sæculo IX., eamque citavit Æneas Episcopus Parisiensis in Tract. adversus Græcos, quem scripsit ante A. J. C. DCCCLXX. qui ei supremus fuit. At quamvis Amphilochii certum opus esse haud constet, merito tamen inde licet colligere illius auctorem, quisquis sit, Basilio consuetudines ususque forte adscribere, qui suo tempore extabant. Columba porro aurea, cujus hac in vita mentio fit, panis Eucharistici conservationi verosimilius inserviebat. In Concilio Constantinopolitano sub Menna A. S. V. Columbarum mentio occurrit; uti apud Latinos quoque; quemadmodum in Testamento Perpetui Episcopi Turonensis Tom. V. Spicileg. & in vetusto Necrologio Ecclesiæ Antissiodorensis a Martenio edito Tom. VI. Veter. Script. pag. 688., ubi ad XIV. Kalend. Febr. hæc leguntur: *eodem die obiit Frodo Levita & Canonico, qui pro salute animæ suæ fecit huic Ecclesiæ Columbam argenti, auro deauratam cum corona, & ceteris argenteis desuper altare pendentem ad Corpus D. N. J. C. conservandum.* Communis tamen primis temporibus Eucharistia in Turribus conservabatur. Exempla exstant in Gregor. Turon. cap. 86. de Gloria Mm. In Coll. Lib.

pendit ; tertiam denique conservavit *consepeliri sibi*. Quamquam vero hoc unum in sacra Græcorum historia forte hujus rei exemplum sit, ipsa tamen Basilii sanctitas & doctrina videntur persuadere non primum Basilium *consepeliri sibi Eucharistiam* jussisse, sed usitatam jam tunc disciplinam, receptumque morem servasse, quod doctissimus quoque Goarius opinatus est. Disserens is adversus Arcudium, qui recentem Græcorum morem, præsanctificatum panem vivifico Christi sanguine tingentium, reprehendebat, hæc habet (a) lectu dignissima : *sed nec damnat Græcos, quæ obijcitur, specierum vini evanescentium cogitatio : in hominum enim utilitatem, quam Sacramentorum respicit usus & consumptio, cedit quidquid ibi sacrum est & divinum, eamque solam cum attenderet Basilius, particulam Communionis diutissime servatam sepeliri secum, juxta vigentem tunc morem, mandare non reformidavit.*

XIV. Hujus ejusdem rei non desunt apud Latinos exempla. S. Benedictum supra pectus defuncti monachi Eucharistiam poni jussisse nar-

2. c. 38. Odonis Abb. Cluniacensis, Venantio Fortunato Lib. 3. carm. XIII. Martenio Tom. V. Thesauri pag. 95. & Sebast. Paulio in Dissert. de Patena Argentea Foro Corneliensi pag. 81. &c.

(a) N. 32. ad Off. Prælanctificat.

narrat S. Gregorius Magnus (a) his verbis :
Quadam die cum quidam ejus puerulus monachis parentes suos ultra quam debeat diligens, atque ad eorum habitaculum tendens, sine benedictione de monasterio exivisset, eo die ut ad eos pervenit defunctus est. Cumque esset sepultus die altero, projectum foras corpus ejus inventum est. Quod rursus tradere sepultura curaverunt, sed sequenti die iterum projectum exierit atque exhumatum sicut prius invenerunt. Tunc concite ad Benedicti Patris vestigia currentes cum magno fletu petierunt, ut ei suam gratiam largiri dignaretur. Quibus vir Dei manu sua protinus Communionem Dominici Corporis dedit dicens: Ite, atque hoc Dominicum Corpus super pectus ejus cum magna reverentia ponite, eumque sepultura tradite. Quod cum factum fuisset, susceptum corpus ejus terra tenuit, nec ultra projecit. Multa de hoc Benedicti facinore scripserunt Theodorus Petrejus (b) Benedictus Hæftenus (c) & Petrus Magagnotus (d), fortasse non omnia necessaria, & pleraque etiam inepta. Nos quid tota hac de re sen.

(a) Lib. 2. Dialog. c. 24.

(b) L. 3. Conf. Greg. c. 6.

(c) T. I. p. 1. c. 24. Disquis. in Reg. S. Bened.

(d) De Eucharistia Exercit. XVI.

sentiamus ; declarabimus posteaquam nonnulla alia exempla recensita fuerint , quibus ostendatur Eucharistiæ cum mortuis sepeliendæ usum in Occidente etiam invaluisse.

XV. Id vero patet ex historia translationis S. Othmari, Abbatis S. Galli, defuncti anno 759. ab Ifone Monacho descriptæ, in qua hæc leguntur (a) : *Sub capite & circa pectus Viri Dei quadam panis rotula, quæ vulgo Oblata dicuntur, illasæ atque ab omni corruptione extraneæ ab eodem Episcopo (Salomone) inveniebantur.* Idem usus ex Amalario etiam comprobatur, qui contendit eundem a Romana Ecclesia ad Anglos pervenisse ex Venerabilis Bedæ testimonio. En Amalarii verba (b) : *Dominus Beda scribit de exequiis S. Guthberti : „ postquam „ sanctæ memoriæ Guthbertus obiit in via Patrum, a navigantibus ad Insulam nostram „ delatus, toto corpore levatus, capite sudario circumdato, Oblata super pectus sanctum posita, vestimento sacerdotali indutus, in obviam Christi calceamentis suis „ præparatus, in sindone cereata involutus, „ animam habens cum Christo gaudentem. „*

Non

(a) Lib. 2. c. 3. apud Surium die 16. Novemb.

(b) Lib. IV. *De Divinis Officiis* c. 41.

Non est dubitandum, quin ipse mos esset apud Romanam Ecclesiam in hac re, quæ apud Anglos fuit, præsertim cum ex illa primum Episcopum Augustinum haberent Angli Saxones, & eo tempore quando celeberrima fuit Romana Ecclesia propter auctoritatem doctissimi ejus episcopi Gregorii. Nomine Oblatarum Eucharistiam indicari eruditi fere omnes sentiunt. Sacros quoque Calices cum Episcopis sepultos fuisse ex Vitis constat Uldarici Episcopi Augustani, & Birini primi in Anglia Dorcestriæ Antistitis anno circiter 640. vita functi. At his in Calicibus Sanguinem quoque fuisse sepultum nullo hactenus probatum est authentico documento; remque profecto hanc gravius pertractare Bingham debuisset & accuratius, ut id aliquando factitatum fuisse adfirmare tuto posset, cum de re agatur summi momenti.

XVI. Qua autem ratione ducerentur, qui secum panem Eucharisticum sepultum cupiverunt, a nemine hactenus clare explicatum est. Crediderim ipse Magnum Basilium aliosque id ea de causa fecisse, ut futuræ resurrectionis symbolum & effectorem eorum cadavera præferrent. Quum enim egregie scirent mortale corpus aliquando e sepulcro exiturum, ut a corruptione immune redditum cum Christo spiritale evaderet,

ret,

ret, uti loquitur S. Paullus (a), id nulla efficaciori ratione explicare se, atque adsequi posse crediderunt, quam si corpora sua exanimata divino illius corpore tangerentur, qui nunquam vidit corruptionem, quique resurrectione sua fidem, quam prædicaverat, confirmavit, & spem certam dedit cæterorum hominum resurrectionis. Noverant quidem hæc & alia verbo virtutis suæ præstare Deum posse, omnesque vivificare, sed cum animadvertent Christum Dominum non solum verbo & imperio in excitandis mortuis usum fuisse, verum etiam adhibuisse carnis suæ contrectationem, manuque mortuos apprehensos e sepulcro ad vitam revocasse, iccirco secum vivificam Christi carnem humatam voluerunt, in fidem scilicet explicationem resurrectionis, certæque in eam spei documentum. Hinc plerique eorum ex Eucharistia congrue satis corporum resurrectionem argumentati sunt. *Quomodo, aiebat alios inter Irenæus (b), rursus dicunt carnem in corruptionem devenire & non percipere vitam, quæ corpore Domini, & sanguine alitur?* His singularis Patrum in Eucharisti.

(a) 1. ad Cor. 15. 44.

(b) Lib. 4. Adversus Hæreses c. 34. & seq.

risticum panem amor adjungendus est, ut quem scilicet vivi adeo avide gustassent, ab eodem mortui separari ægre ferrent. Quare S. Paulinus, ut amorem Martyrum erga Christum Crucis affixum digne exprimeret, Crucis ligni particulam, quam a Melania acceperat, cum illorum lipsanis condidit, uti discimus his versibus (a):

Quam bene junguntur ligno Crucis ossa piorum:

Pro Cruce & occisis in Cruce sis requies.

Itemque aliis:

Divinum veneranda tegunt Altaria sædus

Compositis sacra cum Cruce Martyribus.

Cuncta salutiferi coeunt martyria Christi:

Crux, corpus, sanguis, martyris ipse Deus.

Quæ de panis Eucharistici particulis adservatis nonnulli minus recte explicaverunt.

XVII. Singulare autem atque inusitatum S. Benedicti facinus ex peculiari instinctu, atque confidentia in Deum pensandum est, recolendaque singularis fides, & admirabilis ita agentis modus. Etsi enim providissimus Deus viam communem pro omnium salute constituerit, quos servare decrevit, omnesque fere ducat per iter planum, rectum, & usitatum, quum tamen ex Sacris Litteris manifestum sit, spiritum

D:i

(a) Epist. XII. ad Severum.

Dei movere . nonnunquam corda hominum in quædam , quæ abhorrent ab usu quotidiano , eademque impellere in res , quæ communem hominum operandi modum excedunt , non ideo statim tantorum virorum inspiratio & instinctus damnandus est , aut cum risu excipiendus . Porro inter multa , quæ nos docere optime possunt , observantibus Cardinali Bonæ , S. Francisco Salesio , & Prospero Lambertinio , talem impulsus agendique modum plane singularem habere Deum auctorem , id maxime expendendum est , an aliquid contigerit , quod vere naturæ superet vires , & insolitæ actioni divinum nescio quid superaddat , ut sane accidit in memorato divi Benedicti facto , atque etiam aliis in gestis SS. Bernardi , Antonii Patavini , Claræ Virginis aliorumque Sanctorum , qui ad res plane insolitas obtinendas , ex speciali Divini Nominis inspiratione & instinctu , Eucharistiam adhibuerunt .

XVIII. Sed quoniam de singularibus Græcorum usibus scribimus , in hujus rei confirmationem abs re non erit SS. Græcorum nonnulla narrare exempla virorum , qui divino , uti Benedictus , assisti spiritu , insolitis plane modis suum in sanctam Eucharistiam amorem & fiduciam contestati sunt . Quod eo libentius etiam

etiam facimus, quum narratio harum rerum ad tractationem, quam suscepimus de singularibus usibus Græcorum, etiam petineat. Sic Lucianus itaque Presbyter Antiochenus absque ara in carcere pridie quam obiret, sacrum fecit, loco altaris proprio pectore usus. Cum enim Nicomediæ in carcere detineretur inclusus, eumque tristes mœrentesque discipuli circumdarent, quod proximo Theophaniæ festo ille non posset sacra mysteria celebrare, ipsis vero non liceret Eucharistiam sumere, ipse quamvis dire vexatus inedia, afflictusque plagis mirum in modum, sacrum in carcere peregit, sacroque pane Discipulos refecit singulari modo, ut ex actis noscimus ab Anonymo certæ fidei scriptore Græce exaratis, latineque factis a Lipomano ac Surio, atque a doctissimo Bollando denuo reculis (a). Cum ergo, inquit acta, advenisset dies festus Theophaniorum, qui expectabatur, desiderabant quidem discipuli hanc ultimam a Magistro consequi divini Mysterii celebrationem, Videbatur autem esse dubium quonam modo mensam quidem in carcerem inferrent, aut laterent impiorum oculos, cum multi quidem tunc partim illic adessent, partim

C

autem

(a) Act. II. Torn. I. ad diem VII. Januar.

autem accederent, ille vero: mensa quidem, inquit, erit vobis hoc pectus meum, non ut arbitror Deo futura minus honesta ea, quæ sit ex inanima materia, templum autem sanctum vos mihi eritis, me omni ex parte circumdantes. Et sic hæc facta quidem sunt hoc modo. Jam enim ut quod esset sanctus in fine vitæ & remissi erant custodes, Deo, ut ego quidem arbitror, qui martyrem honorare volebat, & suorum Discipulorum non sustinebat inconsolabile videri desiderium, efficiente, ut citra impedimentum fierent ea, quæ erant proposita. Hinc cum omnes eos martyr fecisset in orbem consistere, ut inter se invicem alter prope alterum stantes, cum tuto comprehenderent, iussit suo pectori imponi signa divini sacrificii. Postquam hæc fecissent, & in cælum prorsus sustulit obtutum, cum jam vix posset extollere, preces peregit consuetas. Deinde cum divina plurima esset effatus, & sacro ritu omnia peregisset proposita, ipse & fuit particeps Sacramentorum, & transmisit ad eos qui aderant, ut ipse quoque ostendit in ultima ad eos epistola (a). Lucianum imitatus est Theodoretus,

(a) Passus est sub Maximino A. 312. Eusebio teste qui tum Ecclesiasticam scribebat historiam; obiit vero die, quæ Theophaniam insecuta est, uti prædixerat. Extat de

retus, Cyri in Palæstina episcopus, qui, ut ipse narrat (a), satisfactorius piis votis Anachoretæ Maris, qui sponte in cellula inclusus, a multis annis inde pedem nunquam extulerat, divina mysteria in eadem cella peregit, usus altari non alio, quam manibus expansis sibi adstantium diaconorum.

XIX. Perillustre etiam insignis in Eucharistiam fiduciæ exemplum habes in iis, quæ de Patre, sororeque item sua Gorgonia narrat Gregorius Nazianzenus (b). Pater ejus Gregorius gravissima oppressus infirmitate sperans sacro adipe salutem se consecuturum, intra cubiculum sine ara ea nocte sacris mysteriis operatus est, quæ Christi resurrectionem præcedebat, quamque tunc temporis populus una cum clero sacris in canticis hymnisque in majori Basilica agitatabat. Sed melius fuerit Gregorii verba, quam nostra perlegere. *Mysterii tempus aderat, inquit, & veneranda statio, atque ordo ad ea,*

C 2

quæ

de Luciano Chrysostomi sermo panegyricus, postridie festi Epiphaniæ pronuntiatus; quæ diei circumstantia Anonymi Scriptoris Lucianæ passionis confirmat narrationem. Colitur S. Martyris memoria a Græcis die 15. Novemb., ut ex Menologio & Menzis patet, atque ex Anthologia a Clemente VIII. adprobato. Agit de ipso Eusebius in Hist. lib. 8. c. 13. & lib. 9. c. 6.

(a) In Hist. Religiosa.

(b) Orat. de Obitu Patris.

quā celebrabantur, quietem & silentium tenens, cum ille ab eo, qui mortuos ad vitam revocat & a nocte sacro-sancta excitatur. Primo paulum se movet, deinde firmiter, mox exigua admodum & obscura voce famulum quendam ex iis, qui assistebant, nominatim accitum praesto esse, ac vestem porrigere, manumque subjicere jubet. Qui cum non sine stupore adesset promteque obsequeretur, ipse manu tamquam baculo ductus, Moysen illum in monte orantem imitatur, fractisque ac debilitatis manibus ad orationem compositis, alacri animo cum populo vel ante populum mysteria peragit; paucis quidem & quibus poterat verbis, mente autem ut mihi videtur, per quam integra. Rem miram! sine sacrario in sacrario, sine altari sacrificus, sacerdos a mysteriis procul remotus. ὦ πῶς θαύματος: ἄνευ βήματος, ἐπὶ βήματος, ἄνευ θυρίδος, ἐν θυρίδι, ἱερὺς, πόρῳ ᾧ λελημέκων. κ. τ. λ. Atque haec quoque illi a Spiritu Sancto aderant, ipsi quidem cognita, praesentibus autem haudquaquam perspecta. Postea cum Eucharistia verba, ita ut consueto fere, effatus esset, ac populum quasi benedixisset, in lectulum rursus se conjicit, cumque paulum quidam cibi admisisset, ac somni particeps factus fuisset, spiritum revocat. Recte id Spiritus Sancti affa-

aflatu, atque consilio factum Gregorius dicit :
nam parens ejus recuperata illico salute mani-
festo miraculo ad ecclesiam post Domini Re-
surrectionem accessit, sacra encenzia cum po-
pulo celebravit, atque in grati animi signum
immaculatam hostiam Servatori Deo obtulit.

XX. Pari in Eucharistiam confidentia at-
que spe S. Gorgonia Eucharistico pane usa est,
tamquam pharmaco salutari, quo ab extraor-
dinario morbo, medicisque incognito sanare-
tur; mulierem illam æmulata, quæ Christi fim-
bræ tactu sanguinis profluvium compressit :
cum caput suum, inquit idem Gregorius Na-
zianzenus (a), *pari cum clamore, lacrymisque,*
quibus abundabat (muliercula illius instar, quæ
olim Christi pedes rigavit) altari admovisset,
nec se prius illud dimissuram esse denuntiasset,
quam sanitatem obtinisset ; ac deinde hoc suo
pharmaco corpus totum perfudisset : ἡ γὰρ ἐν πρὸς
τοῦ ἀντιτύπου τοῦ τιμίου σώματος, ἢ τοῦ αἵματος
ἢ τοῦ εὐθυσίου, ἢ τοῦ κατωμύγνυσα τοῖς δάκ-
ρυσι. τ. κ. λ. etsi quidpiam antityporum pretiosi
Corporis aut Sanguinis recondiderat, id lacrymis
commisisset, o rem mirandam ! statim liberatam
semorbo sensit, atque & corpore & animo &

(a) Orat. de obitu Gorg. soror.

mente levis discedit, pro spei mercede id quod speraverat, consecuta. Non inepte porro ex hoc inusitato Gorgoniæ facto colligitur eandem plenam habuisse transubstantiationis fidem, qua firmissime credebat Eucharistiæ particulis sanctitatem ac vim inesse stabilem & inhærentem; quæ cogitatio sensusque jam subire non potest illorum mentem & animos, qui non admittunt transubstantiationem. Nugantur vero Felhavius & alii, vimque maximam Gregorii verbis inferunt, dum putant Gorgoniam non panem Eucharisticum penes se habuisse, sed nocte processisse ad Ecclesiam, ibique aram ante prostratam quæsisse si quid reliquum panis aut vini in Liturgia pridem adhibiti super altare remansisset, quo tamquam pharmaco abuti posset. Namque clarissime Gregorius refert sororem suam ad morbi sanationem adhibuisse, quod e corpore, vel sanguine Christi recondiderat, seu si ad verbum vertere malis, *thesaurizaverat*: necesse igitur non habebat super altare quærere, quod jam antea penes se recondiderat sive thesaurizaverat, nisi summa, atque nullo modo ferenda violentia Felhavius velit *recondere* aut *thesaurizare* idem significare prorsus ac *quærere*. De voce *Antitypon* a Gregorio adhibita agunt Bessarion, Ros.

Roffensis Martyr, Bellarminus, Perronius, Arcudius & alii. Mihi magis probantur quæ ex Joanne Damasceno (a) & Elia Cretensi (b) responsiones peti possunt.

XXI. Cum usu autem Eucharistiam sepehendi, ut Basilus, Gregorius, alique fecerunt, altera consuetudo, communionem scilicet defunctis præbendi confundi haud debet, uti inscite a celeberrimis etiam rituum scriptoribus factitatum novimus. Abusus iste (c) qui in Galliis & Africa præcipue inoleverat, Orientem quoque pervasit, uti ex Synodi Trullanæ, seu Quini-sextæ canone LXXXIII. erudimur in hæc verba : *μνηστὶς τοῖς σώμασι τῶν*

C 4

τε.

(a) Lib. 4. de fide Orthodoxa c. 14.

(b) In Orat. I. Gregor. Theolog.

(c) Quemadmodum Eucharistiam, ita osculum quoque nonnulli veterum mortuis concessere, ut a Concilio Antissidiorensi, sub Gregorio magno celebrato, discimus: a quo uterque abusus damnatus est. Morem porro se invicem deosculandi ante Eucharistiæ perceptionem in signum unionis, mutæque charitatis ab ætate Apostolorum ad Innocentii III. usque tempora Christiani servaverunt. Cujus quidem rei adeo fideles observatores veteres fuisse videntur, ut vel ipsum oscularentur Sacerdotem, cum alii non adessent, quibus hoc pacis & dilectionis signum ante Christi Corporis sumptionem exhiberent. Sic Mariam Ægyptiacam, cum a Zozima Abbate vivifica dona susciperet, osculum primo sancti senis ori dedisse, legimus in ejus actis, quæ græce latineque extant Tom. I. Mens. April. Act. Sa. ad diem II.

τελευτώντων τῆς Εὐχαριστίας μεταδιδότω : γὰρ
 γραπται γὰρ, λάβετε , φάγετε τὰ δὲ τῶν
 νεκρῶν σώματα εἰδὲ λαβεῖν δύναται , οὐδὲ φα-
 γεῖν . *Nemo mortuorum corporibus Eucharistiam*
communicet : scriptum est enim : Accipite , &
comedite : mortuorum autem corpora non possunt
accipere , nec comedere . Hoc modo , præter
 alios , Eucharistia abusus illos hæreticos fuisse
 qui mortuos baptizabant , a vero non vi-
 detur alienum . Hic fuit error Montanistarum ,
 de quibus S. Philastrius sæculo IV. scribebat
hi mortuos rebaptizant ; Marcionitarum etiam &
 Manichæorum , referente Joanne Chrysosto-
 mo (a). Horum astutias sane ridiculas in mor-
 tuis baptizandis refert Constantinus Harmeno-
 pulus (b) . Quare alias inter causas quibus
 excitati Africani Patres Concilii tertii Cartha-
 ginienfis , mortuis dari Eucharistiam prohi-
 buerunt , ea fuit ne mortuos baptizari posse
 crederetur : *Corporibus defunctorum* , inque-
 bant (c) *Eucharistia non detur : dictum est enim*
a Domino : accipite & edite ; cadavera autem
nec accipere possunt nec edere . Deinde cavem-
dum

(a) Hom. XL. in I. ad Cor.

(b) Lib. II. de Scælis .

(c) Canon. 38. Habitum est hocce Concilium A.
 397. sub Siricio R. P. præside magno Augustino .

dum est, ne mortuos etiam baptizari posse fratrum infirmitas credat, cum Eucharistiam non dari mortuis animadverterit; poterant enim Christiani rudiores, qui Eucharistiam mortuis non baptizatis non dari conspicerent, hoc ita fieri existimare propter defectum baptismatis; & inde baptizari eos posse, ut post baptismatis consecrationem Eucharistiæ quoque munere donarentur (a). Hanc consuetudinem mortuos Eucharistia donandi diu in Oriente perdurasse, atque in defunctos Præsules præcipue fuisse usitatam ex Balsamone colligimus, qui in expositione memorati Trullani canonis hæc habet (b): τὸ μὲν τὸν χειρίζεσθαι τοῖς ἀρχιερεῦσι μετὰ τελευτῆν ἅγιον ἄρτον, καὶ ὕψος ἐνταφιάζεσθαι, νομίζω γίνεσθαι εἰς ἀποτροπὴν τῶν δαιμονίων, καὶ ἵνα δι' αὐτῶν ἐφοδῶνται πρὸς ἑρᾶν, ὁ πρὸς μέγαν, καὶ ἀποστολικὴν καταξιοδοίῃς ἐπαγγέλματος. Quod autem Sanctus Panis antistitibus post mortem tradatur, & sic sepellantur, existimo hoc fieri ad evertendas Dæmonas, & ut per ipsum tamquam viaticum deducatur in cælum, qui magna & apostolica processio.

(a) Vide Paschasium Quesnellum in notis ad Collect. Canon in Operib. S. Leonis, & animadversiones FF. Balleriniorum Tom. III. Venet. edit. Operum ejusd. Pontificis.

(b) Apud Bevereg. Tom. I. pag. 253.

fectione dignus est habitus . Quæ Græci Canonum Exegetæ momenta nemo facile exceperit , cum quivis libenter possit quærere cur cacodæmones in corpora episcoporum magis sævire gestiant ; & cur isti præ aliis pane Eucharistico , tamquam viatico , indigeant . Recte sane agebat Thiersius (a) : mais ces deux raisons sont extrêmement minces , tant parce qu' il y a autant à craindre du côté des démons pour les corps des autres moines , que pour ceux des évêques : & qu' au fond l' Eucharistie ne peut pas plus servir de viatique aux uns qu' aux autres , puisque ni les uns ni les autres ne sont point en état de la prendre , ni de la manger . Gabriel Albaspinxus , doctus Aurelianensium Antistes , ea de causâ hunc abusum irrepsisse putat (b) , quod plerique Presbyteri , populi que rudes rerum divinarum crederent eos , quos canonicis pœnitentiis nondum solutos , mors occupasset absolutione non obtenta , proindeque Eucharistia non resectos , communione esse donandos , tamquam valido subsidio ad jus acquirendum Ecclesiæ communionis , a qua peccantes exciderant . At quum hac admissa conjectura neque probabilis ulla habeatur ratio ,

cur

(a) *Traité des Superstitions* Tom. 2. liv. 4. chap. 5.

(b) *Observat. Ecclesiast. Lib. I. observat. 9. & 10.*

cur defunctis præsertim episcopis communio tribueretur, & gravis altera exsurgat difficultas; quare scilicet Eucharistiam præ absolute mortuis impenderent, id ea de causa Benedictus Hæstenus (a) contigisse putat, quod ad pœnitentes Ecclesiæ reconciliandos majus in Eucharistia quam in absolute positum esse robur ac præsidium crederent; ac præterea absolute solutionem non nisi loquentibus atque exhomologesi expiatis dari consuevisse. At qui hæc omnia noverant eosdem ignorasse credibile non est, Eucharistiæ Sacramentum per modum cibi ad spiritualem nutritionem animorum institutum fuisse, proindeque mortuis tradi non posse, qui illud nec accipere, nec edere possunt per modum cibi.

XXII. Cum igitur consuetudo ista multas provincias occupaverit, ut diximus, varias ejusdem secundum diversos gentium mores, & populorum ingenia, causas extitisse suspicari licet. Ipse dicerem imperitos quosdam Presbyteros Eucharistiam mortuis concessisse exemplo Paganorum, qui obolum, seu nummum in ore defunctorum inferebant, quo Charonti

(a) Tom. I. p. 1. c. 24. cit. *Disquisit. Monast. in Vitam & Reg. S. Benedicti.*

ranti portitori satisfacerent . Fidem facit huius rei præter alios Scriptores Lucianus περὶ πένθος *de Luctu* , atque ita scribit : ταῦτα ἥτοις ἰχυρῶς περιελίλυθε πῆς πολλὰς, ὥστε ἑπειδὴν τις ἀποθανῇ τῶν οἰκείων, πρῶτα μὲν φέροντες ὀβολόν, ἐς τὸ εἶμα κατέβηκαν αὐτῶν μισθὸν τῷ πορθητῇ τῆς ναυτιλίας γενομένον .
Hæc adeo valide vulgi animos persuaserunt, ut simul atque familiaris quispiam mortuus fuerit, primum obolum illi in os inferant, ut sit portitori trajectionis merces. Aristophanes (a) duos obolos naulo adsignatos fuisse narrat, imo etiam auctum ab Atheniensibus Charonti stipendium, & usque ad triobolum excrevisse. Ad quæ fortasse ludens Juvenalis sic cecinit (b):

..... *at ille*

*Jam sedet in ripa, tetrumque novitius borres
 Porthmea, nec speras canosi gurgitis alvum*

Infelix, nec habet quem porrigat ore trientem .

Adeo persuasum habuere veteres homines quoscumque facile pecuniæ amore capi, ut inferos quoque desiderio nummorum vexari crediderint. Ut vero Pagani obolum in ore mortuorum includebant, ut Charon eundem tamquam

(a) In Ranis.

(b) Satyra III.

quam mercedem sibi debitam acciperet, eosdemque sine mora trajiceret, ut quamcitius pervenirent ad inferos, ac proprias decretalique sedes consequerentur, ad hunc modum forte ii cogitarunt, qui mortuis Eucharistiam tribuerunt, ut hi pane Eucharistico muniti, dæmonum superatis devictisque vexationibus, ad cœlestem patriam quam facillime pervenirent; nisi etiam putes hoc usu Christianos gentilium morem sanctificare in animo habuisse.

XXIII. Ut vero arbitrer Christianos vereres panem Eucharisticum mortuis dedisse ferre eo fine, quo Pagani obolum in ore iisdem inferebant, quædam alia faciunt, quæ Christiani, Paganorum exemplo, usi sacris mysteriis peregerunt. Cum illis mos esset statis, decretisque anni temporibus ad mortuorum tumulos sacrificare, iisque offerre epulas, arbitrati mortuos iisdem refici & oblectari, sic nonnulli Presbyteri ac laici corporis & sanguinis Christi mysteria eorum exemplo super tumulos defunctorum obtulerunt. Id constat ex Canone *Non oportet* apud Gratianum (a): *Non oportet clericos ignaros, & presumptores super*

(a) De Consecrat. c. 5. dist. 5.

*super monumenta in campum ministeria portare, aut distribuere Sacramenta: sed aut in Ecclesia, aut in Basilica, ubi Martyrum reliquiae sunt depositae, ibi pro defunctis oblationes offerre. Nec liceat Christianis prandia ad defunctorum sepulcra deferre, & sacrificare mortuis. In quem canonem Glossa hæc adnotavit: reprehendit pravam consuetudinem clericorum & laicorum. Solebant enim singulis annis certa die offerre eleemosynas super tumulos suorum mortuorum, & clerici illuc euntes secum portabant sacramenta corporis & sanguinis Christi, & super tumulos ea distribuere: & hæc consuetudo facta fuit a Gentilibus, qui singulis annis mense februario, die certo, epulas offerebant super tumulos suorum mortuorum, quorum animas credebant circa tumulos conversari, & inde refici, sed daemones eas de nocte consume-
bant. Ita nimirum Glossator secundum opinionem, quæ animos multorum veterum tenuit, & recentium etiam aliquorum phantasiam occupat, tot mirabilia malis genis tribuendi; qua de re digni sunt qui perlegantur Van-Dalium & Fontanellium in historia Oraculorum, horumque oppugnator P. Baltus Societatis Jesu.*

**XXIV. Bene Eucharistia morituris data *Via-
ticum***

vicum appellata est; eos nimirum longo itinere ad cælum faciendò corroborans, & ceu pro comiteatu inserviens ad aliam vitam commigrantibus, ut vir doctissimus Basiliius Pontius opinatur (a). Hoc nomine Eucharistia etiam a Nicænis Patribus A. 325. donata est (b): *περὶ δὲ τῆς ἐξοδουόντων, ὁ παλαιὸς καὶ κανονικὸς νόμος διαφυλαχθήσεται, καὶ τὴν, ὥστε, οἱ τὴς ἐξοδεύοι, τελείας καὶ ἀναγκαιοτάτης ἰφοδίας μὴ ἀποστερεῖσθαι* De iis autem qui *vita excedunt*, antiqua & canonica lex nunc quoque servabitur, ut si quis *vita excedat*, ultimo & maxime necessario Viatico ne privetur (c). Eodem etiam sæculo Eucharistiam nostri itineris Viaticum Gaudentius nominavit. Verum nomen hoc retinuit etiam posteaquam

morem

(a) Variar. Disput. q. 2. p. I. n. 1.

(b) Can. XIII.

(c) Antiquissima ex Nicæno hoc canone consuetudo, ut moribundis daretur Eucharistia, ne quis sine necessario viatico ex hac vita discederet, a Græcis huc usque observatur, & cæteris omnibus Orientalibus. Ex qua consuetudine certo colligitur hos non minus, quam primitivam Ecclesiam, credere ipsius sacerdotalis consecrationis virtute elementa panis & vini fieri id, quod antea non erant; neque in solo usu & manducatione; hoc est *in Cæna Domini*, recipi corpus Christi, quod Anglicanæ Ecclesiæ pseudo-reformatores falso contenderunt; quorum tamen argutiz hac sola antiquissima consuetudine penitus exturbantur, ut viri docti jam pridem observant.

morem communicandi mortuos concilia prohibuerunt ; ut inde argumentari liceat *Viatici* nomen ex memorato abusu non fuisse impositum Eucharistiæ ; cum ratio adsit non incongrua , ut initio diximus , quare eo nomine sit insignita .

XXV. Enumeratis fere hætenus panis Eucharistici usibus accedimus modo ad illos exponendos qui Eucharistico Calice perfecti esse dicuntur . Græci quemadmodum Christi Sanguine infantes recenter natos potaverunt ad ostendendam in ipsis Ecclesiæ benedictionem , sic eodem Sanguine hæreticorum anathemata aliquando subscripsisse in signum æternæ damnationis ac maledictionis perpetuæ , plerique sibi persuaferunt . Ita nimirum se se gessisse credunt singularia ingenia Græcorum , ut horrorem quoque populo injicerent in eos , quorum memoriam atque personas terribili hæc cæremonia devovebant . Hoc modo Pyrrhus Patriarcha CP. primo exautoratus , ac damnatus fuisse vulgo creditur . Is Sergio Monothelitarum hæreseos propagatori suffectus est A. 368 Eadem labe & ipse infectus , quæ Sergius Cyrusque decreverant , roborare viribus omnibus , & confirmare studuit . At cum A. 641. Constantinus , Princeps Catholicus , ac paren-

parentis Heraclii in imperio successor a Martina noverca veneno sublatus e vivis fuisset, suspicioque increbuisse Pyrrhum ad atrox facinus operam etiam dedisse, populi tumultu ab urbe exire compulsus est. Cum in Africam se recepisset A. 645. de duplici in Christo Domino voluntate, duplicique operatione disputationem cum S. Maximo Homologeta habuit celeberrimam, presentibus Episcopis illustrioribus, viris nobilibus, ipsoque etiam Gregorio Patricio, qui Provinciæ præerat. Hac in disputatione absurditatem dogmatis Monotheletarum agnovit. Persuadenti tum Maximo, ut Romam pergeret, fidemque Theodoro Pontifici exponeret suam, libenter assensus est, Romamque accessit humanissime exceptus a Pontifice, honoratusque uti regis Urbis Patriarcha, quum nullo adhuc canonico iudicio depositus fuisset, & Monotheletarum perversam doctrinam coram ipso Pontifice ejuravisset. Roma inde relicta Ravennam concessit, ubi Olympii exarchi persuasionibus in castra Monotheletarum, a quibus Romæ aufugerat, iterum se recepit, spe maxima etiam concepta denovo potiundi Patriarchatus, quem Paulus occupaverat. Rei certior factus Theodorus, iusta iræ commotus in Basilica Principis

D

Apo.

Apostolorum A. 648. Concilium illico coegit, eumque condemnavit ; calamo etiam in sacramento Christi sanguine intincto, uti narrat Theophanes, cujus verba hic exscribimus (a), seu dicendis lumen allatura : τῆς δὲ Ρώμης, inquit enarrata prius Pyrrhi pœnitentia & relapsu, ἔπειτα χαρῆσας, καὶ ἐν Ραβέννῃ ἐλθὼν ὡς κύων ἐπὶ τὸν ἴδιον ὄψιραμα ὑπέστρεψεν· τὸ δὲ μαθὼν ὁ Πάπας Θεόδωρος, τὸ πλήρωμα τῆς Εκκλησίας συγκαλέσας, καὶ τὸν τάφον τοῦ κορυφαίου κατὰ λαβὼν, αἰτήσας τὸ θείον ποτήριον ἐκ τοῦ ζωοπιῦ αἵματος τοῦ Χριστοῦ τῷ μίλῳ ἐπιστάζας τῇ οἰκίᾳ χειρὶ τῷ καθάρσει Πύρρου, καὶ τῷ κοινωνήσαντι αὐτῷ ποιῶται. At inde Roma clams se subducens Pyrrhus cum Ravennam appulisset, ad vomitum canis instar reversus est. Id. ubi Theodorus Papa cognovit, universo Ecclesia conventu convocato, ad Principis Apostolorum sepulcrum adstans, calice divino expostulato, ex vivifico Christi Sanguine atramento affundens, Pyrrhi ceterorumque, qui cum eo communicarent, abrogationem & condemnationem propria manu exaravit.

XXVI. Theodorum Pontificem e Græcorum
gente

(a) Ad An. XX. Heraclii pag. 275. edit. Paris.
A. 1655.

gente Pyrrhum hac ceremonia secundum peculiarem suorum ritum condemnasse Pagius arbitratur (a) : *Hic ritus*, inquit, *peculiaris Græcorum fuit*, a *Theodoro tamen*, licet *hujus facti Anastasius mentionem non feceris*, in *damnatione Pyrrhi usurpatus*. Patruum suum exscripsit Franciscus Pagius in Breviario Pontificum Romanorum. Protestantes interim factum hoc tragice exaggeraverunt, proque indubie re habuerunt, eo etiam maxime momento ducti, quod simili ceremonia Photius a patribus Concilii Constantinopolitani VIII. damnatus fuisse dicatur.

XXVII. Revera Nicetas cognomento David Paphlago in vita S. Ignatii Patriarchæ CP. hisce verbis Photii facinora, & condemnationem commemorat : *a legatis Romanis ipsoque Imperatore & toto Senatu admonitus Photius*, ut *veniam precaretur*, & *saltem tamquam laicus ad fidelium communionem reciperetur*, *superbo & contumaci animo consilium penitus repudiavit*. Ergo *communi omnium æquissimoque judicio*, *damnatur*, *anathemateque percellitur*, *veluti violator & adulter*, *maximarumque calamitarum*, & *infinitarum offensionum*, ac *scandalorum*.

(a) In Crit. Baron. ad A. 648.

rum in Ecclesia Dei auctor, & pronunciat Synodus juxta Nicolai Papæ sententiam qua primum Photius maturo cum judicio, canonicaque seu synodica fuerat depositione damnatus. ὑπογράψαι δὲ τῇ καθάρσει, ἢ ψιλῶ τῷ μέλει τὰ χειρὶ γραφα ποιέμενοι, ἀλλὰ τὸ φρικωδέστατον: ὥς τῶν εἰδόντων ἀκήκοα διαβεβαιμένων, καὶ ἐν αὐτῷ τῷ Σωτῆρος τῷ αἵματι βάπτοντες τὸν κάλαμον, ἕως ἵκερύναν Φώτιον, ἕως αὐτὸν κατεδί-
κασαν, καὶ πάντας πρὸς χειροτονιμένους ὕπ' αὐτοῦ. Subscripsere Episcopi depositioni calamis non simplici atramento, sed horrendum dictum! ut eos qui rem norunt asseverantes audiui, ipso Salvatoris Sanguine tinctis. Ita inquam demum Photium exautorarunt, damnaruntque, unaque omnes ab illo sacris initiatos. Hæc Nicetas, qui tamen profitetur se hanc de calamis Christi sanguine tinctis historiam solo auditu didicisse. Hujusce tamen ceremoniæ nulla mentio fit in vita Hadriani R. P., nulla in actis Concilii ejusdem octavi, quæ integerrima habemus, quæque latine vertit Anastasius Bibliothecarius, qui Photii amicitiam aliquandiu coluisse fertur, ac deinde acriter perstrinxit, ut animadvertere licet in præfatione translationis eorundem actorum, quam Hadriano II. Papæ nuncupavit. Denique ritus tam terribilis

lis, in Photii damnatione, ut fertur, adhibiti, vestigium iis in Historicis nullum invenire licet, qui quum Photii alioquin satis certa facinora exaggeraverint, mirum sit eos ejusdem memoriz tantæ ceremoniz silentio atque oblivione peper-
cisse. Quum enim diligenter accurateque omnia perscrutarentur, quæ hominem jam multum diffamatum, invidiosum ultra, atque execrabi-
lem possent efficere, satis opportune singularis illius ceremoniz meminissent, quæ plurimum valebat ad ostendendum, quo horrore Photii contumax ingenium, dogmata, & immania gesta, persecutum fuisset Concilium univer-
sum.

XXVIII. His atque etiam aliis obnoxia est animadversionibus Pyrrhi damnatio, ita uti a Theophane scripta est. Non enim adeo facile quis sibi persuaserit Theodorum, qui teste auctore Libri Pontificalis (a) *fuit benignus super omnes & multum misericors*, in regiz Ur-
bis Patriarchæ exauctoratione eo fuisse usum ritu, cujus exemplum nullum extabat in utri-
usque Ecclesiæ monumentis. Nam licet mino-
rum Ecclesiarum Antistites formulas aliquando nescio quas introduxerint, quum de iis nihil

D 3

scri.

(a) In Theodoro.

scriptum invenirent , sibi que fas esse ducerent nova plane & inusitata in ritus Ecclesiasticos inducere , hanc tamen licentiam Romæ Episcopos secutos fuisse ægre concesserim in re tam gravi , cujusmodi ea est , de qua in præsentia disputamus . Nec dubium esse potest Theodorum sanctum & doctum Pontificem , quamquam Græcum , Romanæ Ecclesiæ ritus usque adamussim servasse . Porro hujus Ecclesiæ mos fuit chartas non quidem Christi Sanguine obsignare , sed eas super altaria ponere , in quibus sacra mysteria peragebantur (a). Ita Stephanus III. Carolum Magnum , & Carolomannum , Francorum reges , adjurans ne sororem suam Gisilam Adalgiso filio Desiderii , Regis Longobardorum , in conjugium darent , neve alter eorum ejusdem Desiderii filiam conjugem acciperet , adjurationis chartam B. Petri confessioni imposuit , sacrificium super eam obtulit , & ita tum lacrymis ad illud direxit . Sic legitur in laudati Pontificis Epistola III. in qua memoratos Principes hisce ver-

(a) Chartas etiam donationum super aras ponere , in quibus sacra peragebantur , latinis solemne fuit . Constat id cum multis scriptoribus , tum præcipue ex Marculpho Monacho , qui sæculo VII. floruit in Lib. I. Formularum c. 1. quem eruditis doctisque annotationibus illustravit Bignonius .

verbis alloquitur (a): *præsentem itaque nostram obtestationem, atque adjurationem in Confessione B. Petri ponentes, & sacrificium super eam, atque hostias Deo nostro offerentes, vobis cum lacrymis ex eadem sacra Confessione direximus.* Hoc modo etiam Leonis Papæ IX. legari, Humbertus Cardinalis, Sylvæ Candidæ Episcopus, Petrus Amalphitanorum Archiepiscopus, & Fridericus Diaconus, in Michaelem Cerularium, verum Græcorum schismatis auctorem, Leonem Acridanum & alios excommunicationem Constantinopoli, hoc est sub oculis Græcorum, pronuntiarunt, ut constat ex *Commemoratione ipsius Humberti (b)*, cujus hæc sunt verba: *Præfati Nuntii 17. Kalend. Augusti adierunt Ecclesiam S. Sophiæ, & super obstinatione Michaelis conquesti, Clero ex more ad missas preparato, jam hora tertia die Sabbati, Chartam excommunicationis super principale Altare posuerunt sub oculis præsentis Cleri, & populi. Inde mox egressi etiam pulverem pedum suorum excusserunt in testimonium illis dictum Evangelii promulgantes: videat Deus & judicet (c).*

D 4

His

(a) Tom. VIII. Concil. Collect. Labbæi.

(b) T. 18. Biblioth. PP. & apud Leonem Allatum Diss. II. De Lib. Ecclesiast. Græc.

(c) Formulam excommunicationis quippe singularem hic

His atque aliis ceremoniis Romani Pontifices, eorumque ablegati usi sunt, dum in hæreticos, etiam terribilissimos, animadverterunt, nunquam vero sacratum usurparunt Christi sanguinem.

XXIX. Hinc intelligimus cur nec ante Theodorum, nec post sic hæreticos condemnare unquam Pontifices consueverint. Quod quidem mirum videri haud debet, quum nec ipse Theodorus ea ceremonia damnaverit Paullum, Pyrrhi successorem, licet ille Ecclesie infestior fuerit, omnesque prædecessores suos in fidei oppugnatione superarit, ut verbis utar (a) Martini I. Sane falluntur Baronius, Sandinius, cæterique multi contententes Paullum fuisse eo in Concilio Romæ damnatum, in quo Pyrrhus anathemate percussus est. Paullum extra Concilium fuisse exautoratum clare indicat

Li.

hic placet exscribere: Michael abusus Patriarcha, neophytus, ex solo humano timore habitum Monachorum adeptus, nunc etiam criminibus pessimis diffamatus, atque cum eo Leo Actridanus Episcopus dictus . . . Et omnes sequaces eorum in præfatis erroribus & presumptionibus, sit Anathema Maranatha cum Simoniacis, Valesiis, Ariamis, ac cum omnibus hæreticis, imo cum Diabolo & Angelis ejus, nisi forte respuerint. Amen, Amen. Amen. De formulis hic adhibitis agit Basnagius Tom. II. Annal. Diss. III.

(a) Secret. 1. Concil. Lateran.

Libri Pontificalis auctor (a), qui enarrata Pyrrhi damnatione refert corporum Ss. Mm. Primi & Feliciani translationem sub Theodoro factam, ac inde addit: Sanctissimus Theodorus Papa scripsit Paulo, Patriarchæ regis Civitatis, tam rogans, quam regulariter increpans, nec non per Apocrisarios per hoc maxime destinatos presentialiter admonens & contestans, quatenus proprium emendaret commentum, atque ad orthodoxam fidem Catholica Ecclesia remearet. Et neque rogantes, neque increpantes potuerunt eum a suo conamine quoquo modo revocare. Propter quod ab Apostolica Sede ipse depositionis ultione percussus est. Eadem fere leguntur in actis (b) Concilii Lateranensis. Quum hac in narratione nulla alterius Concilii mentio fiat, Paullum extra Synodum post Pyrrhi exauclorationem damnatum fuisse absque erroris metu concludendum est. Nec recte quis dixerit cum nupero auctore adnotationum ad vitas RR. Pontificum a Platina scriptas (c) Paullum implicite cum Pyrrho idem fuisse anathemate; nam nihil tum contra Paullum

a

(a) Loc. cit.

(b) Secret. I.

(c) In Theod.

a Theodoro actum ex citatis verbis *Libri Pontificalis* discimus, quibus constat Theodorum cum Paulo (cujus impietatis nondum fuerat probe conscius) adhuc communicasse, atque inde egisse, quamvis frustra, ut eundem ad saniora consilia, melioremque doctrinam revocaret. Nec dubium ullum esse potest, quin res acta hoc modo sit: nam *Libri Pontificalis* auctor, aliique expressam Pauli mentionem utique injecissent, si Romano in Concilio eadem in illum lata sententia fuisset; juxta morem scilicet Scriptorum & Conciliorum ferme omnium, quorum in actis, scriptisque Hæreticorum capita nominatim recensentur, in quos anathema pronuntiatur. Igitur Theodorus extra Synodum, & quidem postremis vitæ suæ diebus Paulum exauctoravit (a). Si ergo in condemnatione Pauli, cujus horret animus scelera percurrere, consuecta usus est Theodorus ceremonia, novam ne ac plane insolitam

(a) Typum vero Constantis, seu eam fidei formulam sub pacis & unionis larva evulgatam ab eodem Paulo, ne quis imposterum auderet de una, vel duplici Christi voluntate disputare, Martinus I. rejecit, ut ostendit Combesius in *Historia Monotheletarum* §. 12. Typum hunc in hominem hæreticum, & Pauli CP. discipulum pingui metamorphosi Vasquesius transformavit in 3. p. S. Thomæ disput. 73. c. 1.

tam eum in Pyrrhi exauōratione adhibuisse dicemus?

XXX. At hujus certē rei, quidquid scribat Theophanes, non meminere, qui meminisse poterant, ac facile debebant. Theodorum solemniter anathema Pyrrho dixisse Patres Concilii Lateranensis, auctor *Libri Pontificalis*, & Theophanes ipse noverant, idque satis indicant ea verba τὸ πλήρωμα τῆς ἐκκλησίας, quibus totum indicari Ecclesiastici Cleri conventum patet ex Euchologio & Chrysostomi Basilique Liturgiis. Sed a latinis Scriptoribus novimus quidem Pyrrhum solemniter damnatum fuisse, at ejus sententiæ Theodorum calamo in sacro Christi Sanguine intincto subscripsisse ab uno Theophane didicimus, qui rem Romæ factam, & toto proinde orbe vulgatam, Græcis suis prodidit, quam historia tamen omnis latinorum ignorat. Libenter profecto id facti exciperem, si traditum litteris fuisset a Patribus Lateranensis Concilii, A. 649. celebrati, hoc est insequenti a Pyrrhi exauōratione. Verum isti, quorum aliqui dubio procul Romano Concilio interfuerant, nihil ejus ceremoniæ actis, quæ græce latineque vulgari quaquaversum Martinus I. procuraverat, inseruerunt; hæc enim sunt eorundem verba

verba (a) post enarratam Pyrrhi poenitentiam; indeque relapsum: ταῦτα δὲ ποιήσας ὕστερον πάλιν δίνῃ ἀκαθάρτε κυνὸς τὸν ἴδιον Ἑλένημα τῆς ἀβεβήαις ἐπέστρεψεν ἑαυτὸν μωταποδοσίαν τῆς οἰκείας ἀποστασίας ἐνράμενος τῷ κανονικῷ ἐπιτιμίαν. His itaque ab eo peractis postea rursus more canis ad proprium impietatis vomitum repedavit, justam mercedem ac retributionem canonicam panam sive depositionem decerpens. Quæ postrema verba sæpe offenduntur in sacris illius ætatis scriptoribus ad significandas hæreticorum damnationes ritu solito peractas & subsignatas.

XXXI. His atque aliis probatissimis monumentis instructus auctor *Libri Pontificalis* hoc modo Pyrrhi historiam complexus est (b). *Ipsis temporibus venit Pyrrhus ex Africa, qui fuerat Patriarcha CP. in Urbem Romanam, ad limina Apostolorum, qui ingressus libellum obtulit cum sua subscriptione Apostolica nostræ Sedi in præsentia cuncti cleri & populi, condemnans in eodem libello omnia, quæ a se vel a decessoribus suis scripta vel acta sunt adversus immaculatam nostram fidem. His itaque ab eo factis*

(a) Loc. cit.

(b) Loc. cit.

His fecit eum (Theodorus) munera erogare in populum & cathedram ei poni juxta altare, honorans eum ut sacerdotem regie Civitatis. Postea rursus more canis ad proprium impietatis vomitum repedavit. Tunc Sanctissimus Theodorus Papa convocans universos sacerdotes & clerum in Ecclesia B. Petri Apostolorum Principis condemnavit eum sub vinculo anathematis, justam mercedem ac retributionem propria transgressionis canonicam pœnam sive depositionem decerpens. Idem scriptor in vita Agathonis sermonem habens de sexta Synodo, in qua dogmata & acta Monotheletarum attente discussa sunt, damnatique propriis nominibus Monotheletæ famosiores, tantum refert horum nomina e diptychis, imagines vero ab Ecclesiis porticisque erasas fuisse. Jam vero cui gravem falsi suspensionem in Theophanis enarratione non ingerat Scriptoris Libri Pontificalis silentium? Ita ne insolitæ damnationis rumor ultra post centum & quinquaginta annos percussit aures Theophanis, in Sigrianæ Monasterio prope Cizicum scribentis; ab homine autem Romæ degente, gesta que Romanorum Pontificum perquirente, exaudiri non poterat? Poterat sane iste Theophane facilius rei gestæ monumenta nancisci, & famam au-

dire

dire rem inusitatam adhuc loquentem; nam quamvis vltæ illæ Romanorum Antistitum, quæ in *Libro Pontificali* continentur, a diversis scriptoribus fuerint confectæ, hi tamen fuerunt Pontificibus, quorum gesta scripsere; fere æquales, ut putat Ciampinius, qui librum illum diligentissime expendit (a). Paterer utique non illibenter, ut indiligentiæ accusaretur *Libri Pontificalis* scriptor, si Pyrrhi exauctorationem, quæ ipsi statim singularem in eâ ritum primo adhibitum in memoriam revocabat, non enarrasset, aut rerum non meminisset minoris momenti. His si Patrum Lateranensium silentium etiam adjungatur, plane conficietur hoc argumentum, quamvis ex silentio ductum scriptorum, maximam habere vim ad rejiciendam Theophanis enarrationem:

XXXII. Sed parum profuerit, inquiet aliquis, Anastasii, seu illius, qui est auctor *Libri Pontificalis*, silentium adducere, quum Theophanis narrationem firment alii græci latiniq; Scriptores. Vereor ne horum in testimonio majus statuatur robur quam reipsa sit. Quo auctore Theophanes discere potuerit singula.

(a) Exam. *Libri Pontificalis*. Tom. III. Script. Rer. Italic.

gularem illam ceremoniam; ejus hactenus verba fecimus, infra aperiemus, modo tantum animadvertimus cæterorum testimonia scriptorum nec minimum ponderis addere factò illi a Theophane scripto, quum demonstrari facillime possit illos omnes ab ejusdem Chronographia aquam bibisse. E græcis scriptoribus solus auctor *Libelli Synodici*, qui vixit post annum 869., quum res hujus anni commemoraret, laudari potest. At hic tute ipse videas quam bene Theophanem exscripserit (a):

Αὐτὸς δὲ τὴν Ρ'ώμην καταλαβὼν, inquit, ὡς πρεσβύτερος, λίβελλον ὀρθοδοξίας ἐπέδωκεν ὅς ἐν Ραβένῃ γεόμενος, ἐπὶ τὸν ἴδιον, ὡς κύων, ἐπανέστρεψεν ἑμerton. Ὅπερ μαθὼν Πάπας ὁ μακαρίτης Θεόδωρος, ὡς γὰρ τὸν ὅσιον Ἰωάννην εἶχε διζάμενος, τὸ πλήρωμα τῆς ἐκκλησίας προσκαλεσάμενος, καὶ τὸν τάφον τῆς κορυφαίας τῆς Ἀποστόλων Πέτρου καταλαβὼν, αἰτήσας τὸ Θείον ποτήριον, ἐκ τῆς φρικτῆς, καὶ ζωοδότικῆς αἵματος Χειρὸς ἐπιστάζας τῷ μελανοὶ οἰκίᾳ χειρὶ τῷ καθαίρεσιν αὐτῆς, καὶ τῇ αὐτῷ κοινωνίᾳ πειποίηκεν. Ipse vero (Pyrrhus) Romam profectus tamquam Presbyter libellum orthodoxæ confessionis-

(a) Vol. XI. Bibl. Græcæ Jo: Alb. Fabricii pag. 185.
& T. 5. Concil. Harduini.

sessionis obtulit, sed Ravenna postea instar canis ad proprium reuersus est vomitum. Quod cum Beatus Theodorus, qui Sancto Joanni successerat, intellexisset, universa Ecclesia convocata, & sepulcrum Apostolorum Principis Petri occupato, divino etiam calice postulato, ex vivifico & tremendo Christi Sanguine atramento affundens, propria manu depositionem ejus, & eorum, qui cum ipso communicarent, exaravit. Alto etiam hic scriptor silentio involvit honores a Theodoro Pyrrho habitos, ne quid enarraret quod Theophanes non haberet. Mirum ad Græcos solius Theodori severitatis, nullum benevolentiae documentum pervenisse!

XXXIII. Eundem Theophanem excerpfit diligenter Anastasius Bibliothecarius, sæculi IX. Scriptor in Historia, quam ex Theophane, aliisque Græcis confecit: Interea, inquit, cum Pyrrhus Roma discessisset, Ravennamque pervenisset, ut canis ad vomitum suum conversus est. Quo Papa Theodorus comperto, plenitudine convocata Ecclesia ad sepulcrum verticis Apostolorum accessit, & divino calice postulato, ex vivifico Sanguine atramento stillavit, & ita propria manu depositionem Pyrrhi, & ei communicantium fecit: Huic Anastasio ex Theophane versione, ne variato quidem com-

commate adhæsit auctor Anonymus *Historiæ Miscellæ* ex Paulo Diacono, Landulpho Sagace, ac aliis excerptæ, atque sub nomine Pauli Diaconi a plerisque laudatæ (a). Hinc factum ut fere omnes, qui Pyrrhi damnationis insolitæ meminerunt ex Theophane, eidem Paulum Diaconum adjunxerint, & primo etiam loco tamquam testem clarissimum commemoraverint, quod Chardonius fecit (b). Quum vero, uti diximus, auctor *Libri Pontificalis*, cujus auctor Anastasius vulgo audit, nullam illius Sanguinis Christi usus mentionem fecerit in Vita Theodori, in Historia autem Anastasius ejus rei post Theophanem clare meminerit, conjicere inde licebit eandem Theodori vitam ab Anastasio non fuisse scriptam, sed ab alio vetustiori auctore prodiiisse, firmiterque proinde eruditi Ciampinii sententiam, in laudato *Libri Pontificalis Examine* ita loquentis: *Historiam Romanorum Pontificum, quæ sub titulo Libri Pontificalis sive Damasi aut Anastasii circumfertur, a pluribus exaratum existimamus. Nihilominus ut autographæ, genuinisque e scripturis excerptæ, maximam ac*

E

sum-

(a) Tom. I. Script. Rer. Italic.

(b) In Hist. Sacrament. Lib. 3. c. 12.

*summam habendam esse fidem censemus, præcipue cum propter antiquitatem eximia venerationis sit, ac tot sæculorum consensu ab Ecclesia recepta, utpote quæ litteris consignata fuerit a Scriptoribus, qui vel Pontificibus, quorum gesta scripsere, coævi, vel paulo juniores fuerunt. Ex dictis igitur satis esse manifestum puto veteres omnes, qui Pyrrhi condemnationem calice Eucharistico firmatam memorare voluerunt, Theophanem exscripsisse ac proinde ceremoniam celeberrimam, quamvis Romæ, si fides memoratis narrationibus habeatur, coram omni populo & clero adhibitam, ignotam futuram fuisse toti latinorum genti, nisi eam ab homine græco didicisset. Id igitur exploratum firmumque sit quum pro illius facti confirmanda veritate Paullus Diaconus, auctor *Libelli Synodici*, aliive laudantur, non alios quam Theophanem laudari, quem illi hac in re diligentissime exscripserunt. Licet autem *Synodicon* istud, judice Allatio, accuratissime confectum sit; *Historia* autem *Miscella* a multis citari soleat; ac proinde esse istis adjungendam fidem quis velit eo quod Theophanis narrationem non excepissent, si res aliter se habuisset, dicimus hæc adhuc neminem persuadere posse. Quis enim nesciat*

nesciat hoc eis plerumque contingere ; qui compendiis scriptitandis student , aut centonibus consueudis ex plurium scriptorum elucubrationibus , uti vere sunt modo memoratæ scriptiones , ut non minori cura errata excubant, quam quæ sunt veritati consona , quia videlicet non suas, sed aliorum sententias repræsentare satagunt, nec alios corrigere curant, sed referre ? Hanc scribendi rationem cum secuti fuerint, qui laudantur, scriptores, non majorem quam Theophanes promerentur fidem .

XXXIV. Nescio vero an Theophanes hoc in factò sit absque examine, aut dubitatione excipiendus. Quamquam certæ fidei habeatur Historicus rerum Byzantinarum quæ ejusdem ætate contigerunt, peccavit tamen adeo multa cum res in Occidente gestas enarrandas suscepit, ut apud doctos viros ἄμειβος scriptor audire non possit . Jacobus Goarius , qui ejus *Chronographiam* Parisiis edidit A. 1655. plura in ea animadvertit præter morem interpretum reprehensione & castigatione digna ; incultum scilicet horridumque stylum ex trivio & compitis, incultæve plebis ore collectum ; inemendatum etiam ad leges grammaticorum & solœcismis , barbarisque dictionibus intersper-

sum . Repetitiones quoque in ea observat penitus inutiles , rerum gestarum metatheses , & contradictorias narrationes ; ac tandem concludit (a) : *Errorum sane hujusmodi , si causam diceret , non aliam , me conjectore , quam variorum auctorum sententias , numerosque varios secutum , opusque proprium , urgente persecutionis necessitate , non recensuisse proferret .* Ac re quidem vera expolitum & ordinatum opus errorumque vacuum a Theophane non erat expectandum , qui inter multas gravesque Monasteriorum curas perpetuo versatus est , & diuturnas adeo vexationes sustinuit pro sacris imaginibus .

XXXV. Gosrii judicium facile exceperunt Caveus (b) & Oudinus (c) . Sed hic , qui sanctos viros nihil omnino scripsisse vellet , momenta sibi haud deesse scribit , quibus illam Chronographiam a Theophane abjudicet . Praecipuum autem momentum ex eo promit , quod Theophanes chronologica Alexandrinorum supputandi ratione usus sit : *Quis autem credas , inquit , si vere Chronographia hujus auctor Theopha-*

(a) Pag. 547. edit. Paris.

(b) In Sæcul. Iconoclast.

(c) Comment. de Script. Ecclesiast. Sæcul. VIII. & IX.

phanes; *Ægri Abbas, extitisset; utpote in aula Constantinopolitana educatus & honoratus, alia usum fuisse supputandi ratione, quam qua apud Constantinopolitanos obtinebat?* Hac enim ratione invidiam sibi omnium odiumque comparasset. At quis non miretur Oudinum, hominem hyper-criticum, tantum huic animadversioni detulisse? Chronographiæ proemio perlecto cognovisset illico animadversionem hanc flocci esse faciendam. In eo namque scribit Theophanes sibi fuisse propositum Georgii, Tharasi Patriarchæ CP. quondam Syncelli, Chronicon profsequi. Hinc Opus suum exorsus est ab anno Diocletiani primo, ad quem Georgius Syncellus inchoatam ab orbe condito historiam perduxerat. At quum hic Æram Alexandrinam usurpaverit, æquum non erat, ut diversam Theophanes adhiberet, illius historiæ continuator. Maximus etiam erat Theophanis ætate apud Constantinopolitanos, præcipue apud Monachos, Æræ Alexandrinæ in Ecclesia usus, ut ante nos Henschenius, & Papebrochius observarunt (a). Cæteris conjecturis & ratiunculis, quas adjicit Oudinus, ex tabulis Chronographiæ præmissis,

(a) Tom. III. Aët. SS. Martii ad diem XII. in Exegesi &c. c. 1. sect. IV.

ditionisq̃ue barbarie desumptis, exsolvendis ea sufficiunt, quæ Goarius, & laudati modo doctissimi Bollandistæ observarunt. Revertor nunc ad rem, a qua me paululum abire coegit, inepta Oudini conjectatio.

XXXVI. Plura sane non levis momenti errata, quæ admisit Theophanes, Gallos præcipue Scriptores eo adduxere, ut nullam vel certe modicam eidem haberent fidem, cum res narrare voluit in Occidente gestas. Bossuetus in *Defensione Declarationis Cleri Gallicani* inquirens (a) an Græci Historici a Baronio & Bellarmino in Gregorii II. ac Leonis Isauri rebus adducti indirectæ potestati Pontificum in bona Principum favæant, adducto duplici Theophanis testimonio, inquit : *Theophani vero græco quemadmodum de Græcorum rebus recenti memoria scribenti fidem non detrahimus, ita cum de Occidentis rebus scriberet nihil nisi rumusculos collegisse credimus &c.* Idem sentiunt Natalis Alexander multis in locis Ecclesiasticæ Historiæ, Dupinius (b), & alii, aut rerum Ecclesiasticarum cognitione, aut critices peritiâ laudatissimi. Bossuetus porro ultra progressus est, &
Theo-

(a) P. II. Lib. 6. c. 12.

(b) Diff. VII. de Antiq. Eccl. Discipl.

Theophanem cum iis etiam Græcorum Historicis involvit , qui amissæ Romæ memores , odio ac livore in Ecclesiam latinam debacchari sunt ; qua de re vere ac sapienter fuit a Mamachio reprehensus (a) . Quidquid autem sit statuendum de controversiis Gallos inter & Romanos diu multumque agitatæ , quarum etiam causa citati modo scriptores illam de Theophane sententiam pronunciarunt , hoc ab iisdem jure ac merito dictum videtur excepisse illum persæpe incertos vagosque vulgi rumores , & fabulas insignes reperiri in ejus Chronographia , resque pugnantes omnino cum tota eorundem historia . Hoc in numero censentur , quæ de Merovingicis Regibus narravit (b) ; eam nempe apud Francos fuisse consuetudinem , ut horum Rex jure hæreditario adsequeretur principatum , nec tamen ageret quidquam aut moliretur quam præter modum decusque cibo ac potui indulgere , domique inclusus perpetuo commorari , die prima mensis Mali excepta , in qua toto spectante populo in throno salutandus sedere consueverat ,

E 4

munc-

(a) Orig. & Antiquit. Christ. Lib. IV. pag. 216. & seq.

(b) Pag. 337. edit. Paris.

munera & urbanitatis officia accepturus simul & redditurus. Quibus demum factis usque ad anni insequentis mensem Majum domi se continebat, rerum agendarum delegato aliis ministerio. Qui autem, concludit Theophanes, ea stirpe oriebantur, cristati, quos trichorachatas Græci vertunt, audiebant, quod pili ex dorsi medio, velut porco, ipsis enascerentur: ἐλέγοντο ἐν πᾶσι γένεσι ἐκείνῃ λεγόμενοι κριστάται, ὃ ἱερμηνεύεται τριχοραχάται. τριχάς γὰρ οἶκον κατὰ τῆς ῥάχης ἐκφυόμενος ὡς χοίρων. Ob quæ vir mitissimi ingenii Goarius exclamare compulsus est (a) : *monstrum Francis ipsis, quibus accidisse narratur, innotuit*. Alia fabularum proferri ex eadem Chronographia exempla possent, sed plura in hunc locum ingerenda non videntur.

XXXVII. Merito hinc suspicio enascitur Theophanem singularem illam ceremoniam, qua usus dicitur Theodorus cum Pyrrhum exaudivit, e vulgi rumoribus collegisse, græcumque hominem sic egregie hallucinatum, tantis leucis a Romana urbe distantem, latinorum disciplinæ ignarum, aliis errandi locum dedisse. Nemo enim nescit quam frequenter, quam facile eos errare contingat, qui narrationem

aggre.

(a) Pag. 620. edit. Paris.

aggrediuntur rerum a se vel locorum spatio ,
 vel temporum intervallis longe remotarum ; &
 multo etiam facilius labi si pleraque ex rumor
 re narrare soleant ; a quo proposito Theopha-
 nem non fuisse alienum satis jam diximus .
 Nam quod scribit Chardonius (a) singularem
 illum in Pyrri condemnatione ritum adhibita-
 tum , a Theophane fuisse commemoratum post
 alios , quos tamen ipse ignorat , historicos ,
 qui illius ante ipsum primo meminerant , mea
 ra ariolatio est ; quum id sumat pro certo ,
 quod probandum omnino fuisset ; nihil scilicet
 Theophanem mandasse litteris , nisi quod jam
 antea fuisset ab aliis scriptum . Reor igitur
 ipse Pyrri condemnationem a Monotheletis
 exornatam clamoribus fuisse , quibus innixus
 Theophanes eosdem retulerit . Sane Monothe-
 letæ Constantinopolitani , qui longa ira in Ec-
 clesiam latinam æstuabant , ea solum tunc evul-
 gasse credibile fuerit , quæ animos Græcorum
 jam exulceratos acerbius incendere in latinos
 poterant , cujuscmodi fuisset certe terribilis ea
 Pyrri Romæ facta damnatio . Monotheletæ
 videlicet omnium primi Romanis dicam scri-
 pserunt (b) ; eorumque opera Patriarchæ Con-
 stanti-

(a) Loc. cit.

(b) Lequien Diff. I. Damasc. & in *Panoplia* inf. cit.
 sæculo VIII. c. 2.

Antinopolitani, aliique Orientis Præsules om-
 nem exuere reverentiam in Romanam Eccle-
 siam cœperant. Hujus simultatis & odii causâ
 sa multiplex fuit, atque in primis Byzantino-
 rum Præsulum audax ambitio, quam semper
 Romani Episcopi retundere sategerunt. Ean-
 dem simultatem variæ perniciosæque hæreses
 jam ante firmaverant, quarum regis illius Ci-
 vitatis Antistites se duces, antesignanosque
 fecerant, Apostolicæ Romanæ Sedis invictam
 in fide constantiam jugiter experti. Quare non
 ita pridem Monotheletici erroris vindices in
 suis cum Maximo concertationibus veræ do-
 ctrinæ validissimis argumentis superati, co-
 tandem devenerant, ut libenter eidem permit-
 terent duas voluntates duasque operationes in
 Christo Domino dicere ac docere, dummodo
 communioni Romanæ Ecclesiæ valediceret (a).
 Tanta erat horum hominum in hanc Eccle-
 siam acerbitalis, atque odii magnitudo. Hinc
 iidem, pessimi sane mortalium, diu multum-
 que laborarunt in vocibus ridiculis, ac stro-
 phis divulgandis, Ecclesiæque codicibus ac
 Patrum scriptis sanctioribus corrumpe-
 dis, ut ex actis sextæ Synodi sub Agathone, ex
 aucto.

(a) Lequien loc. cit. Panopl.

auctore *Libri Pontificalis* aliisque bene multis constat Ecclesiasticæ Historiæ documentis. Sed de Monotheletarum loquacitate ac fraudibus & multis & diligenter disputavit Joannes Bartholus (a), vir tantæ naris in corruptis, depravatisque rebus deprehendendis, ut omnia ferme illius temporis acta corruptionis plena nescio an felicissime adinveniret. Nihil igitur impedire videtur, quominus singularem illam ceremoniam, quam Theodorus adhibuisse fertur, ex infinitis Monotheletarum vocibus manasse suspicemur. Qui quum hæretici Patriarchæ exaltationem Romæ coram omni populo & clero subsignatam nec ferre nec occultare possent, eo mendacio exornare illam crediderunt opportunum, unde animi Byzantinorum furiosius baccharentur in Romanam Ecclesiam, quæ regis urbis antistitem, inaudito ad ea usque tempora in utraque Ecclesia ritu, anathemate confixisset.

XXXVIII. Habes hinc quid sentiendum sit de Theodori in Pyrrhum insolita actione, a Theophane memorata. Infirmo fundamento totam hanc historiam esse superstructam satis; ut arbitror, nec contemnendis argumentis demon-

(a) In Apologia Honorii I. edita Amsugii 1750.

monstravimus : Neque tamen si firmis inni-
 xa momentis illa foret, concludi inde posset,
 Theodorum, Patresque Concilii Constantino-
 politani octavi, qui simili ritu in Photii da-
 mnatione usi esse dicuntur, realem in Eucharistia
 præsentiam non credidisse. Tanta fuit horum
 virorum sanctitas, tamque perspecta & explo-
 rata doctrina, ut ab hac absurditate longissi-
 me eos absuisse merito existimare debeamus.
 Quare inepte Protestantes gesta isthæc avidè
 arripuerunt, ut Theodorum & alios negatæ in
 Eucharistia transubstantiationis reos incusarent.
 Sic enim testatur Anonymus Scriptor in Vitis
 Romanorum Pontificum, quas anno 1738.
 evulgavit. *Nos auteurs, inquit (a), soutiennent
 cette contume, qui étoit particuliere aux Grecs,
 selon le pere Francois Wagi, ne faisoit aucun
 deshonneur a Jesus Christ. Mais la question est
 si ceux qui faisoient ce la croient la transub-
 stantiation. Le Protestans le nient, & fondent la
 dessus des raisons specieuses pour combattre le
 dogme de la presence réelle. Sane si quid bene
 ex Theodori facinore Protestantes colligunt,
 bene etiam conficietur Gregorii Nazianzeni
 patrem, atque sororem, tum & magnum Basi-
 lium,*

(a) In Theodoro.

lium , qui novis plane ritibus aut sacra tractarunt, aut usus in Eucharistiam adhibuerunt insolitos , eos inquam omnes negasse realem Christi præsentiam. Consimili argumentationis vitio & Leonem Papam (a) & Urbanum II. (b) eo quod in consecratione Ecclesiarum , cum reliquiæ desiderarentur , partem Corporalis & Eucharistiæ earum loco posuerint, eisdem Catholica Eucharistiæ dogmata prodidisse, concludendum esset. Et tamen quam constans ac firma fuerit hac de re eorum fides notius est, quam ut hic probetur argumentis. Consule si lubet præter polemicos Scriptores Auctorem Præfationis Tom. III. Operum S. Basilii Parisiensis editionis §. VII.

XXXIX. Neque vero aut Patres hi , aut Theodorus , si verum est in Pyrrhi condemnatione Christi sanguinem atramento commiscuisse, irreverentiæ & impietatis arguendi sunt adversus tam sanctum vivificumque mysterium. Bene ad hanc rem Martenius: *qui antiquos ritus*, inquit (c), *metiri ex hodierna observatione volunt*, *hi procul dubio his in omnibus debitam*

Sacræ

(a) Durandus lib. 1. c. 25. de Ritibus Eccles. Cathol.

(b) Martenius de Antiq. Eccles. Ritib. lib. I. c. 5. & Anonymus de gestis Abb. Maj. Monast.

(c) Loc. cit. c. 5. art. 4. §. 10.

Sacra Eucharistiæ reverentiam desiderari existimabunt . At longe alia erat veterum opinio , qui nihil exinde honoris Christo debiti detractum censebant . Nec enim nescii erant , Deum fidem & cordis intentionem respicere , non exteriorem nescio quem cultum superstitiosum : Christum in sui corporis & Sanguinis Sacramenti institutione omni vilitati & extremitati se se submittere : nec magis in corpore humano suo sputa & excrementa honorari , quam aut vulnere agroti , aut cadaveri defuncti applicatum . Caterum nihil ex dignitate solis decedere sive in luto , sive in auro fulgeat . Ut igitur Gregorii pater , ejusque filia Gorgonia , Basilus , Leo , Urbanus , & alii , inusitatis licet modis , summum suum in Eucharistiæ amorem , fiduciam , & reverentiam testatam voluerunt , ut antea diximus , sic Theodorus , sic Patres Constantinopolitani Concilii , si in pretioso Christi Sanguine intinctum calicem excommunicationi in hæreticos scribendæ adhibuerunt , peculiari ratione ducti id fecisse censendi sunt , incutiendi nimirum maximi terroris causæ , quæ omnia ne dum ridicula , sed & superflua ac vana prorsus fuissent , sine fide , ac doctrina transubstantiationis , realisque Christi præsentis in augustissimo Eucharistiæ Sacramento .

XL. Sed jam de celebri Pyrrhi damnatione diximus satis multa; pergamus ad cætera. Mos fuit Græcorum, aliorumque Orientalium, ut ad ieienda fœdera, dandam fidem, & conciliationem discordium animorum, humanum sanguinem ad potum adhiberent. Id de Scythis tradit Lucianus in Dialogo inscripto Τόξαρις ἢ φιλιὰ, sive de Amicitia, ubi inquit: αὐτῶν ἔντεμόντες ἅπαρ πᾶς δακτύλῳ ἐνσταλάζωμεν τὸ αἷμα εἰς κύλικα, καὶ τὰ ξίφη ἀκραβάλλαντες, ἅμα ἀμφοτέροι ἐπισχόμενοι, πίνωμεν, ὡς ἐστὶν ὃ τι τὸ μὲν τεθ' ἡμᾶς ὄχρει δύσκειν αὐτῶν. Ex quo semel incisis digitis sanguinem in calicem distillaverimus, summisque intinctis gladiis ambo pariter admoventes biberimus, non est quidquam quod deinde queat nos dirimere. Idem tradit Solinus de Scythis & Medis (a). Hinc cecinit Papinius Statius (b):

..... accingunt sese & mirantia ferro
Pectora, congestisque avidæ simul undique dextris
Perfringunt, ac dulce nefas in sanguine vivo
Conjurant

Et Seneca in Throade (c):

Tibi

(a) C. 25.

(b) Thebaidos Lib. 5.

(c) Act. I. v. 117.

Tibi nostra ferit dextra lacertos

Humerosque ferit tibi sanguineos :

Idem de multis populis scribit Tertullianus (a). De Armenis Valerius Maximus (b), de Brutis, Aquiliis, & Vitelliis Plutarchus (c). Quod vero de Romanis in conjuratione Catilinæ dubius scripsit Sallustius (d) id fidenter Florus pronunciavit (e) : *additum est pignus conjurationis sanguis humanus , quem circumlatum pateris bibere : summum nefas , nisi amplius esset propter quod biberunt ,* Vocat Florus illud Catilinæ facinus *summum nefas*, quia usus ceremonia in sacris solum adhiberi solita, ut Sallustius idem innuit, & Silius Italicus sic confirmat (f) :

Parte alia supplex infernis Hannibal axis

Arcanum stygia libat cum vate cruorem

Et primo bella Æneadum jurabat ad aras :

Adi Tacitum (g), Melam (h), & alios qui de gentium moribus scripsere. Morem hunc genti.

(a) In Apologet.

(b) Lib. IX.

(c) In Public. c. 9.

(d) Bell. Catilin.

(e) In Hist.

(f) De Bel. Panico lib. 2.

(g) Annal. Lib. XII.

(h) Lib. 2. c. 1.

gentilium vetustum, eumque tam ferum & barbarum sanctificare visi sunt, populosque sic ad saniozem disciplinam perducere circa sexum Ecclesie seculum Graeci Christiani. Nam loco potionum humani cruoris Eucharistica mysteria substituerunt, ut qui nimirum dare fidem, in amicitiam recipere, ac inire foedera vellent, solemani ritu usuque simul Corporis, & Sanguinis Christi Sacramenta degustarent: Usus hic ἀδελφοποισία appellatus est; quo nimirum fidem dantes, ineuntesque concordiam jurabant sibi mutuo sacro haustu *fraternam fidem*. Hac ceremonia Justinianus fraternam fidem juravit Vitaliano, viro rebus contra Anastasium Imperatorem prospere feliciterque gestis insigni. Hunc Justinianus, Justini Imperatoris nepos, veritus ne sibi impedimento foret ad imperium post Justini fata capeffendum, Justino suspectum reddidit. At Vitalianus ob affectatam sub Anastasio tyrannidem sibi deinde timens, publicam, fraternamque postulavit a Justiniano fidem, quam hic non solum Justini nomine dedit, sed etiam super sacramensam, hausto Christi poculo, confirmavit, teste Procopio (a), qui etiam Vitalia-

F

ni

(a) Hist. Arcan. c. 6.

ἢ ἐκδὲν μᾶλλον his verbis : αὐτίκα δὲ καὶ
 Βιταλιανὸν τὸν τύραννον μετέπεμψατο, ὥς δὴ πα-
 ρισὰ πρότερον ὑπὲρ τῆς ἀσφαλείας παρέχετο ;
 ὁπλαρχὼν αὐτῷ καὶ ἐν Χριστιανοῖς μυσηρίων ὀ-
 λίγων τε ὕστερον ἔκ ὑποψίας αὐτῷ προσκίρει
 κῶστα ζωὴ τῶς ἐπιτηδεύουσιν ἐν παλατίῳ λόγων ἰδὲν
 διηχρήσατο πίσσιν ἕτοιμα δεινότητος ἐμπειδῶσα
 ἰδαμὴ ἀξιώσας . Illico vocatum mittit Vitalia-
 num tyrannum fide publica , impunitate promif-
 sa, & una susceptis Christianorum mysteriis : paulo
 deinde post dato suspicioni, atque offensionis loco,
 eum ac necessarios in aula impie contrucidavit ,
 nihil veritus fidem fallere tam formidandam .
 Interfectus est Vitalianus Justinī consulatus
 mense septimo, ut tradit Marcellinus in Chro-
 nico . Fuit genere Scythia, ut habet idem Mar-
 cellinus ; Patricioli autem filius, ut fidem fa-
 cit Procopius (a) .

XLI Nicolaus Alemannus Strategium zea-
 rii præfectum, cui Appius Ægyptius pater fuit,
 ut Innocentius Maronius (b) scribit, Justi-
 niani fratrem appellatum fuisse animadver-
 tit nominarique (c) ἀδελφοποιτὴν ; ratione sci-
 licet

(a) Lib. I. de Bello Persico c. 8.

(b) Epist. ad Thematem.

(c) In Hist. templi S. Sophiz .

licet jurātæ mutuo fidei sacris mysteriis. Quæ etiam hoc modo jurabant eos ἀγαπητός, fratres nempe nominare Christiani consueverunt. Ita Felix Papa IV. cum adhuc laicus fraternam fidem Justiniano juravisset, dictus est ἱεγμεναὺ ἀγαπητός Justiniani frater, ut in Romanorum Pontificum serie græce conscripta observavit idem Alemannus (a). Hac eadem ratione & fide Theodoricus Rex Gothorum Justiniani frater fuit, ut Theophilus Justiniani præceptor explicavit. Plura fortasse fuerunt apud alios hujusce usus vestigia & exempla, quæ aut injuria temporum collapsa sunt, aut ad manus meas certe non pervenerunt. Quæ tamen ex Justiniani historia protuli non modo adhibuisse plurimum usum hunc Justiniano commonstrant, sed & in more receptum apud Græcos Christianos tunc temporis fuisse satis luculenter ostendunt. Illa enim nomina, cujusmodi hæc sunt ἀδελφοποιεῖν, ἀγαπητός, non ob unum vel alterum factum absque discrimine induci solent, sed ad significandam consuetudinem jam satis pervulgatam.

XLII. Consueverunt etiam Græci, cum darent fidem, acta crucis signo, Christi Sanguine

F 2

ne

(a) In notis ad Hist. Arc. Procopii.

ne efficto, subsignare, vel certe eadem tempore sacrorum mysteriorum ad Corporis Christi Sanguinisque presentiam confirmare. Insigne hujusce usus exemplum nobis suppeditat Leo Grammaticus in *Chronographia* rerum a recentioribus Imperatoribus gestarum. Enarratis simultatibus, insidiisque, quas sibi invicem struxerant Basilius Prothostrator, a Michaele in Accubitorem electus, & Cæsar Barda, narrat denique modum, quo pax apparenter quidem inita est, fidesque Bardæ data a Michaele Imp. ac Basilio. *Annuntiationis autem festo*, inquit (a), *ad Ecclesiam quæ est in Chalcopra- tiis, processu facto, peracto ingressu, & Evan- gelio lecto, Photius Patriarcha & Imperator cum Casare & Basilio Accubitore ad catechu- mena conscenderunt: τὸ Πατριάρχης ἐπὶ χεῖρας ἔχοντος τὸ τιμίον σῶμα καὶ αἷμα τῶ κυρίου ἡμῶν Ἰησοῦ Χριστοῦ, καὶ βιάσαντες ὅτε Βασιλεὺς, καὶ ὁ Βασιλείος, τῆς τιμίας ὑπέγραψαν σταυροῦς & Patriarcha pretiosum Corpus & Sanguinem Domini nostri Jesu Christi manibus tenente, calamus intingentes Imperator & Basilius venerandis cru- cibus appositis subscripserunt, juramento Casari affirmantes eum cum ipsis professionem posse ca- pessere.*

(b) Pag. 465. Edit. Paris.

*peffere. Indicare hæc videntur græcos Cruces sacra-
crato Christi Sanguine consecisse, quas subscrip-
tionibus apponerent ad maiorem actis tribuen-
dam vim conciliandamque religionem; quum
Leo rem ita referat quasi solita fuisset. Quare
verba laudata de Crucibus Christi Sanguine
efformatis intellexerunt Mabillonius (a) &
Ducangius, qui ait (b): *Interdum quo solemnius,
ac firmitus esset pactum Cruces ipsa exarabantur
calamo in pretioso Christi Sanguine intincto. Quod
etiam adverterat Combesius ad ea Leonis gram-
matici verba βάρβατος κ. τ. λ. inquit (c): vi-
visco nempe calice nisi atramenti loco ad horro-
rem ac religionem Sacramento conciliandam, quam
tamen erant fæde violaturi: quin neque alio ani-
mo jurabant, quam ut deceptum iurejurando ho-
minem urbe educerent ac necarent. Solus Leo hanc
videtur historiam tetigisse.**

XLIII. Meminere tamen ejusdem rei ac cere-
moniæ Simeon Logotheta, qui sub Nicephoro
Phoca floruit, & I. eo Hamartolus seu Peccat-
tor, cujus græca verba Alladius recitat (d):
ὡς δὲ συνήθως προελύσεως τῶ ὡς Θεοτόκου
ἐναγγελισμῶ, inquit, ἐν τῷ τῷ Χαλκοπρατίῳ
F 3 γένῳ.

(a) De Re diplom. lib. 2. c. 22. §. 21.

(b) Glossar. V. *Cruz*.

(c) In notis pag. 671. edit. Paris.

(d) De Consensu &c. pag. 1634.

υπολόγους· καὶ ἀνῆλθεν ὁ Πατριάρχης Φώ-
τιος, καὶ ὁ Βασιλεὺς σὺν τῷ Καίσαρι, καὶ Βα-
σιλείῳ παρακοιμημένῳ ἐν ταῖς κατηχυμένοις· καὶ
δὲ τιμίᾳ σώματος, καὶ αἵματος καὶ κυρίᾳ ἡμῶν
Ἰσοῦ Χριστοῦ προτεθέντος βάψαντες τὸν κάλαμον
ὃν τε Βασιλεὺς, καὶ ὁ Βασιλεῖος· τὸν τύπον καὶ
σεβασμίου σταυροῦ ἡσυχότερος ἐχειρογράφησαν, ὅρκῳ
βεβαιῶντες τὸν Καίσαρα ἀφόβως πῶτος σιωπῆ-
σαι ἐν τῇ κτ. πρὸς Κρήτης ἐκστρατεία, Φανερώς
γὰρ ὁ φιλόσοφος Λέων τῷ Βάρδα παρεγγιάτο
μὴ σιωπῆσαι αὐτοῖς. Ἐρχόμενον γὰρ μὴ ὑπα-
στρέφειν ἔλεγεν. h. e. Consueto Annuntiationis Dei-
para festo, processione facta in Templo, quod est
in Chalcopratiiis, Photius Patriarcha & Imperator
cum Casare & Basilio Accubitore ad cathecume-
na conscenderunt. Tum ibi in medio proposito
pretioso Corpore & Sanguine Domini Nostri Jesu
Christi Imperator & Basilius calamus intingentes
veneranda crucis signum propriis manibus appo-
suerunt i. juramento confirmanes Casarem sine
metu secum posse cum exercitu contra Creteneses
proficisci. At manifeste Bardam Casarem Leo Phi-
losophus admonēbat, ne cum ipsis iret i. semel enim
egressum non amplius reversurum dicebat. Puto
autem Photium insidiarum Basilii in Bardam
Casarem prorsus ignarum tam solemnem cere-
monia procurasse, ut Barda firmiore, quo pote-
rat,

rāt ; modo servaretur , cuius opera in Sedem Constantinopolitanam irrepsērāt . Ita quidem de Photio loqui fas esset , si nihil aliud habuisset , quam aulicam animam & ambiciosum ingenium . Atqui adeo versipellis fuit , tantaque in ejus animo , ut in græco scilicet , fuerunt latebræ , atque recessus , ut nihil certi hac in re de eodem conicere aut ausim aut velim .

XLIV. Signum vero Crucis , quod nunc temporis a nescientibus scribere actis apponitur , veteres usurpaverunt ad subscriptiones , quamvis docti forent , scribendique artem callerent ; quæ enim sancta , & confirmata esse volebant , ea cruce subsignabant . Hinc in annis sæpe insculptæ (a) & majoris momenti rebus appositæ (b) . Quod etiam ne a re , de qua scribo , longius abscedam , ex S. Ignatio Patriarcha Constantinopolitano confirmatur , qui verberibus lancearumque ictibus vexatus , ut conciliabuli illius acta adprobaret , in quo Photius declaratus fuerat verus germanusque Patriarcha , præsentī animo gerens , quæ mundi Servator pertulerat , proprio cruore in charta

F 4

sibi

(a) Casalius in Syntagmate de insignibus , annis , fibulis &c. cap. 3.

(b) Gretzerus Lib. I. de Cruce c. 87. & Lib. II. cap. 18.

sibi oblata crucis signum effinxit, quod Phoeniciæ cæterique ejusdem flagitiorum socii tamquam optati suffragii testimonium firmum, ratumque interpretati sunt : Quod si crucis signum cœu fidei & religionis symbolum, uti revera est, habebatur, maxima profecto esse debuerat Græcorum in eas cruces fides ac veneratio, quæ, ut videtur, Christi sanguine efformabantur. Quod necessitate compulsos antistites plerumque ut id facerent concessisse reor, quo gens non omnino fidissima inter se se magis ac magis vinciretur.

XLV. Eodem Eucharistico calice usos Armenios fuisse ad subscriptiones sœderum indicat Instrumentum sœderis, initi, ut fertur, a Constantino Magno ac Silvestro Papa cum Tiridate Armeniorum Rege, horumque Patriarcha D. Gregorio; hæc enim in illo perleguntur (a). *Hoc amicitia votum ac sœdus inter nos sempiternum coram glorioso Crucis Christi vexillo firmavimus; atque in fidem ejusdem sœderis nostri firmi & indelebilis hanc utriusque Occidentalis, & Orientalis nationis fraternitatem tremendo, ac pretiosissimo Jesu Christi Sanguine subscri-*

(a) Apud Clem. Galannum p. 1. c. 2. *Conciliationis* &c. Baron. ad a. 311.

subscripsimus, quatenus fidem, amorem & concordiam ita nobis invicem debeamus, quemadmodum & illi, qui frater noster effectus est, Christo Deo. Quamvis suspectum, imo fictum sit hocce fœdus, citatum tamen Instrumentum antiquum est (a), atque recensiti in eo Christi sanguinis usus apud Orientales præcipue vestigia videtur commonstrare. Isaac etiam & Joannes, Episcopi Armenii, in nondum edita Epistola ad Basileense Concilium asserunt se ab Ecclesia Romana accepisse dogma celebrandi in azimo meroque vino, atque ad perpetuam rei memoriam de vino ipso mero celebrationis dictum dogma scriptum fuisse, quæ obscura licet verba de Christi Sanguine vir rituum peritissimus Martenius interpretatus est.

XLVI. Apud Latinos unicum, quod ego noverim, exemplum extat subscriptionis cum ecclesie Eucharistico, quando scilicet ante medium sæculi IX. inita concordia est Carolum Calvum inter, & Bernardum Comitem Tolosanum, ut tradit Odo Aribertus in fragmento, quod Stephanus Baluzius evulgavit (b). Hæc enim in illo leguntur: *Pace itaque cum Sanguine*

(a) Diss. de VI. Synodo c. 5.

(b) In notis ad Agobardum Lugd. pag. 129.

guine Eucharistico separatim per Regem & Comitē firmata, & obsignata Bernardus Comes Tolosanus ex Barchinonensi Tolosam venit, & Regem Carolū in cœnobio S. Saturnini juxta Tolosam adoravit. Universim tamen, ex veterum profecto exemplo, opinio manavit ea p̄cta firmiter fuisse habita, quæ Sanguine proprio fuissent subscripta. Hinc originem habuerunt quorundam historicorum narrationes, qui ut Dei misericordiam extollerent, peccatorum hominum crimina fortasse exaggeraverunt, affirmantes horum aliquot animam cacodæmonī tradidisse, traditionisque chartam proprio cruore scriptam fuisse. Cæterum ut ut Armeniorum, Latinorumque exempla adducta persuadere aliqua ratione videantur, usitatas apud eos fuisse subscriptiones cum calice Eucharistico, id tamen de græcis non audeam æque confidenter affirmare; quum Leonis Grammatici, & Leonis Hamartoli dicta non obscure sic excipi possint, ut Bardæ Cæsari fides data sit, & obsignata ad præsentiam sacrorum mysteriorum, Corporis scilicet & Sanguinis Christi, quæ Photius Patriarcha manibus teneret, eos sic tacite, qui fidem dabant, admonendo, ut caverent diligenter & adverterent, cujus in conspectu fidei & concordie instrumenta subsignarent.

XLVII. Quam Græci vero sumere Eucharistiam consueverunt, ut hoc sacro haustu, ac cibo fidem darent, eadem Latini usi sunt, ut hujus ejusdem sumptione sese ab objectis criminibus vindicarent. Hæc purgatio inter canonicas olim locum obtinuit. Fiebat autem hoc modo, ut inculpatus criminis alicujus, quod manifestis rationibus aut confirmari, aut a se nequirit repelli, ad sacram synaxim accederet, & antequam Corpus Dominicum acciperet coram adstantibus profiteretur: *Corpus Domini sit mihi ad probationem hodie*. Quo facto non amplius in ejus crimen inquirebatur, dimissa cura Deo puniendi hominis, si mendax admissum facinus negavisset. Antiquissimum esse hunc morem, & quarto Ecclesiæ sæculo jam usitatum Christianus Lupus, alique sibi persuaferunt ex verbis S. Hieronymi, qui de Episcopis in Ariminensi Concilio ab Arianis dolosis vocibus deceptis, seque de ipsarum hæresi excusantibus agebat (a): *Contestabantur Corpus Domini, & quidquid in Ecclesia sanctum est, se nihil mali in sua fide suspicatos; quæ, ut quisque videt, ad jusjurandum referenda sunt, non ad Eucharistiam, quam*

(a) Adversus Lucifer. c. 7.

quam sumissent, ut sui innocentiam comprobarent, dum subdolas eas Arianorum voces admisserunt. Hunc igitur purgationis modum ac usum ante sæculum nonum non obtinuisse arbitror, si conjectura ducatur ab exemplis, quæ post illud tempus in historiis legimus; nimirum apud Gregorium Turonensem, Annales Bertinianos & Metenses, Reginonem, Marianum Scotum, Sigebertum Gemblacensem & alios. Eucharistia se purgavit A. MLXXVII. Canossæ coram Henrico IV. Germaniæ ac Italiæ Rege Gregorius VII. Factum Lamberti Schafnaburgensis verbis exponam (a): *Papa, inquit, Missarum solemnias celebravit, confecta-que sacra oblatione Regem cum cætera, quæ frequens aderat, multitudine ad Altare vocavit, præferensque manu Corpus Dominicum, ego, inquit, jam pridem a te, tuisque fautoribus litteras accepi, quibus me insimulabas Sedem Apostolicam per simoniacam hæresim occupasse, & aliis quibusdam tam ante, quam post acceptum Episcopatum criminibus vitam maculasse, quæ mihi secundum scita canonum omnem ad sacros ordines accessum obstruxerint. Et licet multorum idoneorum certe testium adstipu-*
latio-

(a) Ad A. 1077.

latione crimen refellere queam, eorum scilicet, qui omnem vitam meam ab ineunte aetate institutionem integerrime, noverunt, & eorum, qui meam ad Episcopatum promotionis auctores fuerunt, ego tamen ne humana quam divino potius videar nisi testimonia, ut satisfactionis compendia omnem omnibus scandali scrupulum de media auferam, ecce Corpus Dominicum, quod sumpturus ero, in experimentum mihi hodie fiat innocentia mea, ut omnipotens Deus suo me hodie iudicio vel absolvat obiecti criminis suspitione, si innocens sim, vel subita mea interimat morte, si reus. Hac & alia, ut solemne est, praefatus verba terribilia, quibus Deum causa sua aequissimum iudicem & innocentiae assertorem adesse precabatur, partem Domini Corporis accepit & comedit. Qua liberrime absumpta, cum populus in Dei laudes, innocentiae ejus congratulatus, aliquandiu acclamasset, tandem impetrata silentio conversus ad Regem, fac ergo, inquit, Fili, si placet quod me facere vidisti. Verum rea conscientia torquebat Regem, ideoque tremendam hujus purgationis viam admittere non fuit ausus. Quum fere tunc mos fuerit hac uti via ad cognitionem patrum criminum desolentibus humanis probationibus, id in Gregorii VII. factum.

facto plane singulare accidit ; quod ea uti voluit purgationis ceremonia in magna copia argumentorum , quibus sui innocentiam comprobare poterat . Plura alia extant exempla hujus usus, in Monachorum historiis præclaque , quibus intelligimus apud istos fuisse hunc purgationis modum valde usitatum: A nonnullis etiam Conciliis probatus est , cum revera nihil in hac forma purgationis adsit superstitionis (a) , nullamque contineat Dei tentationem; vix enim differt a *jurejurando*, quod unum posteriora inde sæcula pro legitima, & canonica purgatione receperunt. Hæ porro atque aliæ satis multæ sese de objectis criminibus purgandi consuetudines a variis purgationum generibus , quæ apud Hebræos fuerunt, originem duxisse videntur . Has inter ea fuit maxime usitata, qua mulieres in matrimonio viventes, adversus mariti de adulterio suspicionem , purgare suam fidem , ac castitatem debebant aquarum amararum maledictarumque potu . Sed cum de his alii jam satis & accurate scripserint (b) , nos eas misas facimus, & revertimur ad Græcos.

XLVIII

(a) Murat. Diff. 9. Antiquit. Medii Ævi.

(b) Seldenus, Wagenseilius, Groddeckius & alii.

XLVIII. Ab horum sanè singularibus Eucharistiæ usibus eximendus haud est usus ille aquam fervidam, peracta consecratione, in calicem infundendi. Græci namque bis aquam miscent, semel frigidam cum in prothesi sancta dona præparant, pungente sacerdote panem sancta lancea & dicente: *ἡνὶς militum lancea latus ejus aperuit, statimque exivit sanguis & aqua*, & Diacono infundente vinum & aquam, deinde calidam post consecrationem immediate ante communionem. Hunc Græcorum ritum quidam e nostris Theologis ignorantes vel utramque mixtionem confuderunt, ut Estius vir alioquin doctissimus, vel putarunt Græcos aquam vino non miscere, ut Guido Carmelita (a). Mixtio hæc aquæ ferventis a Græcis ζέον appellatur. Hoc autem modo ac ordine res tota conficitur. Postquam Sacerdos Eucharistici panis particulam in Sanguinem immisit, Diaconus urceolum æneum aquæ ferventis, quod in prothesi igne, vel cereo ardenti suppositum extabat, eidem porrigit dicens: *ἐυλόγησον δέσποτα τὴν ἁγίαν ζέον τάντλην*: *benedic Domine sanctam hanc fervidam*. Tum Sacerdos benedicens ait
 εὐλο-

(a) In lib. de Hæref. apud Bonam Rer. liturg. l. 2. c. 9.

X 96 X

ευλογημένη ἡ ζῆσις τῶν ἁγίων σὺ πάντοτε, νῦν,
καὶ αἰεὶ, καὶ εἰς πᾶς αἰῶνας τῶν αἰώνων· ἀμήν.
*Benedictus fervor sanctorum tuorum, jugiter,
nunc & semper & in sacula seculorum. Amen.*
Tunc Diaconus ter in modum crucis in san-
ctum calicem aquam fervidam infundit dicens:
Ζῆσις πίστεως πλήρης πνεύματος ἁγίου· ἀμήν.
Fervor fidei plenus Spiritu Sancto. Amen. Hæc
quidem ex Chrysostomi Liturgia, cui fortas-
se addita antiquitus hæc sunt, quum ad Litur-
giæ ἁγίαν minime pertineant. Morem tamen
hunc in divina Liturgia a CPna. Ponticis, Asia-
nisque Ecclesiis sæculo saltem sexto currente
observari solitum comperit Lequienius (a) ex
narratione de Rebus Armeniæ, quam Combe-
fissus evulgavit (b). Eundem ritum exposuit in
Ecclesiastica & Mystica Theoria S. Germanus I.,
Archiepiscopus CP. sæculo octavo ineunte,
ejusque rationem dat: aquæ nimirum calidæ,
quæ una cum Sanguine e Christi latere efflu-
xit, significandæ causa. Video tamen id etiam
a Græcis significari cum prima aquam miscent,
ut ex verbis Sacerdotis lancea panem pungen-
tis colligitur. Alii alias hujusce usus rationes
excogi-

(a) In Panoplia pag. 471.

(b) Tom. 2. Actuar. Bibl. Græc. PP.

excogitarunt . Sed his missis eam audire præstat , quam Nicolaus Cabasilas adducit apud Goarium (a) qui eam probat : *Cum hætenus , ait , in totius liturgiæ serie Christum ut annis proventum , mox vero crucifixum , fuerimus contemplati , oportet & quæ secuta sunt , symbolis aliquibus significari , ut sit undequaque integra mysterii significatio . Quod vero opus & quid effectus Christi passionum & sermonum & operum ? Si prout ad nos spectant hæc ea quis consideret , nihil aliud est quam Spiritus Sancti in Ecclesiam adventus . Oportebat ergo eum post illa significari . Atque is quidem significatur aqua calida in mysteria infusa . Hæc enim aqua cum & aqua naturam habeat , & ignis sit participes , significat Spiritum Sanctum qui & aqua dicitur , & tamquam ignis in Christi discipulos dilapsus apparuit . Tunc enim descendit , postquam omnia , quæ ad Christum spectabant , consummata fuere , nunc autem perfectis & consecratis donis corpus Christi & membra ex parte habet , quæ & tunc Spiritum Sanctum acciperunt . Quæ Cabasilæ cogitata confirmantur Sacerdotis aquam calidam benedicentis & Diaconi illam infudentis orationibus , quas ad-*

G

tuli.

(a) N. 167. ad Chrysoft. Miss.

tulimus ex Chrysostomi Liturgia : Græcorum proprius hic ritus est . A Cophtis, Syris, Jacobitis , ac etiam Nestorianis ignoratur , ex quo colligi posse videtur hanc ceremoniam non esse antiquiorem divisione harum Ecclesiarum ; quum reliquos , qui antea usurpabantur , ritus retinuerint .

XLIX. Humbertus Cardinalis adversus hunc usum , uti & alterum porrigendi cochleari Eucharistiam , aliasque innoxias consuetudines Græcorum , quasi de summa Christianæ Republicæ ageretur , multum conviciorum effudit , Græcosque in ritibus exagitavit , quos minime intelligebat ; non advertens , ut debuerat , illa omnia communem originem habere , eximiam scilicet in Eucharistiæ Sacramentum reverentiam , & mysticas præferre significationes , illustrium Ecclesiarum , sanctorumque insignium virorum suffragiis adprobatas . Alii etiam post Humbertum , perspectum non habentes modum , quo ritus ille aquæ fervidæ a Græcis adhibetur , eundem damnaverunt ; ea inter cæteras præcipua , sed tamen neutiquam probabili de causa , quod nihil sanguini sit admiscendum , ne Sacramenti corruptio consequatur . Quæ adeo multorum animos pervaserunt , ut eadem adversus Græcos in Concilio Floren-

Florentino urgere non dubitarint, atque acrem
 eis litem intendere. His respondit Dorotheus,
 Mythilinenſis Episcopuſ, & Eugenio Papæ IV.
 abunde luculenterque ſatiſfecit. Græci Anti-
 ſtitis reſponſa nobis invidit Aſiorum Conci-
 lii ſcriptor. Suſpicor eundem latinuſ levita-
 tiſ inculcaſſe, qui metu corruptioniſ illam re-
 jicerent, ac culparent conſuetudinem, quum
 ipſi ceteroquin ritu in Romana Eccleſia ali-
 quando receptiſſimo & ſæculo XIII. adhuc in
 Galliis perdurante, vinum purum in caliceſ
 miniſterialiſ, in quibuſ aliquid ſanguiniſ re-
 ſervabatur, infunderent, ut communicanteſ
 inde ſumerent (a), quin tamen crederent, aut
 timerent ſanguiniſ ex magna vini copia cor-
 ruptionem ſequi. Sed de hiſ alias fortaſſe diſ-
 feremus,

L. Recenſ potiuſ videtur inſtituta altera
 Græcorum conſuetudo, præſanctificatum nimi-
 rum ægrotorum panem Chriſti Sanguine tin-
 gendi. Panem hunc Græci nonniſi ſemel in
 anno, feria ſcilicet quinta in Cœna Domini,
 conſecrant, & cochleari in cruciſ modum San-

G 2

guine

(a) De hoc uſu diſſerit Ciampiniuſ cap. VIII. con-
 jeſt. de azy mo &c. & Mabilloniuſ in Comment.
 ad Ord. Rom.

guine respergunt, ac deinde pro ægrotis sepouunt, unde παρακαταθήκη nominatur. Nulla hujusce usus mentio habetur in illorum Liturgiis, & antiquis auctoribus; imo eorundem schismate esse recentiorem colligitur ex Michaele Cerulario, divisionis Ecclesiarum coriphæo, qui in libro Apologetico pro Officio præsanctificatorum asserit *nullam in panibus reseruatam infundi guttam sanguinis*. Eundem usum severiori nota damnavit Arcudius (a), non uno ex capite, tum eo præcipue reprehendendus, quod græcus cum esset gentis suæ usum pessime exposuit, affirmando illos particulas sanguine tinctas furni vel solis calore exficcare, cum sit exploratum eos (b) vivo igne acerræ sacratæ sacro disco subjectæ, cui species panis sanguine tincti religiose sunt impositæ, cunctum humorem ex iisdem exprimere, & hoc modo induratas ad annum conservare pro communione infirmorum. Nestorius Patriarcha Hierosolymitanus in libro inscripto *περὶ ἀρχῆς καὶ Πάπας De Principatu Papæ*

(a) Lib. 3. c. 17. Concord.

(b) Goar. N. 180. in Mis. Chryso. & N. 32. in Off. Præsanctificat.

Papa (a), qui anno 1682. Jassi in Moldavia græce editus est, & latine inde redditus, vulgatusque Londini a Petro Allixio, narrat hostiam quandam, quæ nigrorem ex mucore contraxerat, cum in sacro disco acerræ imposita fuisset, insolito odore templum omne perfudisse.

LI. Græci autem recentiores hunc usum invexerunt, aut repræsentandæ Christi passionis sanguinisque in ligno Crucis effusi gratia, quum tingant hostiam duabus cruciculis insignitam, uti observare licet in schemate, quo ex Goario & Sirmundo Commentarii hujus frontem ornavimus; vel Christi resurrectionis indicandæ causa, quam omnes Liturgiæ græcæ juxta ac latinæ mixtione Corporis & Sanguinis Christi in calice figurant. Quum enim Christi Domini mors sanguinis effusione contigerit, madefactio illa hostiæ ejusdem sanguine apta judicari potuit ad significandum

G 3

quo-

(a) Cum quidam Franciscanus Doctor huic Nestarii libro respondisset, & Romanæ Ecclesiæ causam prodidisset, eidem Nestario denuo novam Apologiam opposuit Michael Lequienus, & Parisiis A. 1718. divulgavit cum hoc titulo: *Stephani de Altimura Ponticensis Panoplia contra Schisma Græcorum, qua Romana & Occidentalis Ecclesia defenditur adversus criminationes Nestarii &c.* Opus indicare volumus egregium quidem, sed Theologis nostris minus notum.

quomodo Deus homo vitam denuo assumpserit. Volunt Protestantes Græcos hoc usu significare reipsa, se infirmis communionem sub utraque specie porrigere. Quod etiamsi verum esset, Protestantes adhuc non adsequuntur quod volunt, ut ait Bossuetus (a): *ce n'est pas donner à boire le sang de notre seigneur, comme il est porté dans l'Evangile, ni marquer la separation du corps & du sang, qui seule persuade à nos reformez, la nécessité des deux especes.*

LII. Quamquam vero Græci hodierni in communionem sub utraque specie propensiores videantur, hac tamen etiam in re, ut in multis aliis fidei & disciplinæ capitibus, a majorum doctrina recesserunt. Plura extant in Ecclesiastica eorumdem historia exempla, plane comprobantia primis temporibus apud ipsos communionem sub sola specie panis fuisse administratam. Nos uno erimus contenti, quod ex epistola Dionysii Alexandrini ad Fabium recitat Eusebius (b). *Erat, inquit, in hac urbe Scrapion quidam senex & numero fidelium; qui reliquo quidem antea vitæ tempore nulli culpæ*

(a) Loc. cit.

(b) Hist. lib. 6. c. 44.

culpa obnoxius fuerat. Sed in persecutione lapsus, saepe numero veniam petierat: nec ququam ei attendebat, eo quod sacrificasset. Idem morbo correptus, vocis usu sensuque omni carens triduo permansit. Quarto demum die paululum recreatus, nepotem ex filia ad se vocat: & quo usque tandem, inquit, me detinetis, fili? Properate quaeso, & me quantocumque absoluite. Accerse mihi unum ex Presbyteris. Hæc cum dixisset, rursus illum vox destituit. Puer ad Presbyterum cucurrit. Jam nox erat: Presbyter autem agrotabat; sed quoniam in mandatis dederam, ut morituris si peterent, & maxime si antea suppliciter postulassent, venia indulgeretur, quo bonæ spei pleni ex hac vita migrarent; exiguam Eucharistia partem puero tradidit, jubens ut in aqua intinctam seni in os instillaret; βραχὺ τῆς εὐχαριστίας ἐπέδωκεν τῷ παιδαρίῳ ἀποβρίζας κλεύσας· καὶ τῷ πρεσβύτῃ καὶ τῷ σώματι ἐπιστῆσαι. κ. τ. λ. Redit igitur puer bucellam afferens. Et cum appropinquaret, priusquam ingrederetur, recreatus iterum senex: venisti, inquit, fili. Ac Presbyter quidem ipse venire non potuit. Tu vero fac citius, quod imperatum est, & dimitte me. Mox puer bucellam intinxit, & in os senis infudit. Qui ea paulatim absorpta, continuo

animam exhalavit . Variæ extant in celebres hoc factum doctorum virorum Valesii , Bosfuerti , aliorumque animadversiones , quæ ostendunt sub unica tantum specie infirmos apud Orientales communicari consuevisse . His addam ego non fuisse necesse Presbyterum puero præcipere , ut traditam Eucharistiæ partem madefaceret , si sanguinem quoque recepisset . Sed hæc vero facta sunt secundum receptissimum utriusque Ecclesiæ morem , quum vini species diu conservari non possent , & etiam ne sanguis ad infirmos deferendus facillime effunderetur .

LIII. Utrum vero intinctio illa , cujus in memorata Serapionis historia mentio fit , in vino , an in aqua fieret , inquirendum est . Verbum illud Eusebii ἀποβέζου Rufinus vertit *quod infusum &c.* ; Valesius autem interpretatus est *in aqua intinctam* ; eo quia soleant veteres panem benedictum in aqua madefacere , quemadmodum ipse innuit in adnot. , quam laudato Eusebii loco subiecit . Sed nihil obstat quominus verti etiam possit , *in vino intinctam* , quod verbo ἀποβέζου æque aptari potest , & convenit etiam hodiernæ Græcorum disciplinæ , teste Smithio (a) . Idem
usus

(a) De Græcæ Eccl. hod. statu p. 130. 2. edit. Lond.

us particulas scilicet vino communi resper-
gendi in occidente etiam viguit (a). Canone
etiam primo Concilii Bracarenfis celebrati
A. 673. cautum fuit ne *Eucharistia vino ma-*
dida pro complemento communionis porrigeretur;
quibus verbis, ut ego existimo, indicatur credi-
disse aliquos vino, quo Eucharistia soleret
maleseri, perfectam communionem fuisse; ac
propterea Concilium hanc intinctionem pro-
hibuisse, ne inde erroris occasio a vulgo ac
plebe caperetur. Vini etiam usum in panis
Eucharistici intinctione habemus in statutis
Cluniacensibus (b) ubi communio moribundi
ita describitur: *Sacerdos Corpus Domini incen-*
sat, frangit, & partem quam allaturus est sem-
per calicem tenet, & tam ipse calix, quam
manus Sacerdotis lindeolo candidissimo cooperitur.
Interea curatur, ut infirmi bucca lavetur, re-
cepturi ipsum corpus Domini, quod recipit vi-
no intinctum, quo epotato exhibet quoque ablu-
tionem calicis; ne videlicet, inquit Bona (c)
aliquod fragmentum in eo remaneret. Non-
dum

(a) Burchard. in Collect. Can. lib. 5. c. 9. Ivo
Carnot. Decret. p. 2. c. 19. Bona Rer. Liturg.
lib. 2. c. 18. & cit. sup. Canon Concilii Ma-
tiscotensis.

(b) Lib. 3. c. 28.

(c) Loc. cit.

dum enim in usu erat panis ille tenuissimus, quo nunc utimur in sacris mysteriis conficiendis .

LIV. De intinctione panis Eucharistici sive in vino , sive in aqua intelligendus est canon 76. Concilii IV. Carthaginensis A. 398. celebrati, atque ob 214. Episcoporum , ipsiusque Augustini præsentiam celeberrimi. In eo ita esse agendum cum morti proximo , aut phrenetico Patres præcipiunt : *is qui pœnitentiam in infirmitate petit , si casu , dum Sacerdos ad eum invitatus venit , oppressus in infirmitate obmutuerit , vel in phrenesim versus fuerit , donent testimonium , qui audierint , & accipiat pœnitentiam . Et si continuo moriturus creditur , reconcilietur per manus impositionem & infundatur ori ejus Eucharistia .* Quæ de pane Eucharistico aqua vel vino madefacto , ut facilius a phrenetico deglutiretur , interpretari fas est ; nisi velis manifesto adeo periculo effusionis Christi Sanguinem exponendum esse Patres Carthaginenses præcepisse . Male ergo ea verba & *infundatur ori ejus Eucharistia* de Sanguine Christi , qui tunc temporis servaretur , Franciscus Berlendius intellexit (a) .

L.V.

(a) De Oblat. ad Altare §. 7. n. 10.

LV. Æque infirmum est aliud, quo utitur, argumentum ad idem demonstrandum, ex Joannis Chrysostomi Epistola ad Innocentium I. desumptum, in qua narrat dum ipse Sabbatho Sancto e Sede sua Constantinopolitana expulsum esse *Christi Sanguinem super vestes militum effusum fuisse*, quod evenire non potuisset, si sanguis in Ecclesia Constantinopolitana tunc non fuisset conservatus. Sed diversa prorsus ratione Chrysostomi narratio excipienda est. Hac siquidem in Epistola Chrysostomus certiores facit Innocentium, milites, quos inter aliqui erant non Christiani, in Ecclesiam esse ingressos, quando baptisma conferebatur; ait enim de mulieribus, jam jam baptizandis (a): *καὶ γυναῖκες ἤδη ἐκκλησίῳ ὁκνῶν πρὸς τὸ βάπτισμα ἀποδυσάμεναι κατ' αὐτὸν τὸν καιρὸν γυναιὶ ἔφυγον ἐπὶ φόβῳ τῆς χαλεπῆς ταύτης ἐφόδου. Mulieres quoque sacratum aditum, quæ per illud tempus se exuerant, ut baptizarentur, metu gravis istius incursum nuda aufugerunt.* Tempore proinde Liturgiæ accidit hoc factum, militumque incursum, cum tempore baptismi solemnis celebrari etiam soleret Liturgia, ut bapti-

(a) Cit. Epist. ad Innoc. T. III. *Operum*. pag. 519. edit. Paris.

baptizati illico etiam confirmati statim communicarentur. *Il faut*, ait Renaudorius (a) *ignorer la discipline ancienne pour ne pas savoir, qu'on celebrait en mesme temps la liturgie, & qu'on communioit ensuite les nouveaux baptisez.* Cum igitur Liturgiæ tempore in Ecclesiam contigerit militum incurfus, qui sacra profanarunt, & sus deque omnia miscuerunt, mirum haud esse debet si etiam Sanguis Dominicus, eo tempore in Liturgia confectus, supra vestes militum effusus est. Igitur militum facinus a Chrysostomo relatum non probat Sanguinem tunc temporis in Ecclesia Constantinopolitana fuisse conservatum, ut Berlenius putat. Sed vir doctus a Bellarmino fortasse deceptus est, qui quamvis nosset id tempore collationis solemnis baptismi contigisse, non advertit diversos catechumenorum gradus, nec tunc temporis celebratam fuisse Liturgiam, ac propterea eodem argumento est usus (b) ad probandum primis Ecclesiæ temporibus panem Eucharisticum conservatum fuisse. Quod argumentum sane nimis etiam probaret; nam

co

(a) *Perpetuité de la Foi* &c. Liv. VIII. chap. IV. pag. 589.

(b) Lib. IV. de Eucharistia c. 4.


eo evinceretur quoque Sanguinem esse adservatum, quod abhorret a cura, quam Ecclesia perpetuo habuit, ne acefceret. Hæc quidem dissimulanda non esse duximus; nam cum plura certa & firma argumenta sint, quæ Ecclesiæ disciplinam Christi Corporis conservandi pro ægrotis, aliisque de causis testantur, ea momenta non sunt adversus Sacramentarios urgenda, quæ aut infirma sunt, aut eludi facillime possunt. Descriptos vero hætenus singulares in Græcorum Ecclesias in tanta fidei unitate usus irrepsisse primis temporibus mirandum haud est. Disparēs diversarum nationum mores & ingenia sunt; quæ uti diversas consuetudines & usus in rebus politicis, sic videntur in Ecclesiasticis etiam novas ceremonias ritusque postulare. Quum primum tamen Patres in Conciliis cogi potuere, usus plerique sublatis sunt, nec ultra concessum ut diversitas sensuum humanorum, quæ infinitarum varietatum fons est, ultra quam fas esset, excurreret & vagaretur.


Atque hic finem huic Commentario imponimus, rogamusque eos, qui hæc nostra perlegerint, ut disciplinæ veteris memores esse non dedignentur, ne aut nos de Græcorum abusibus librum confecisse iudicemur, aut ipsi

ipsi tamquam de sacra antiquitate pessime meriti rideantur , quod nihil unquam ab hodiernis moribus diversum fuisse velint , aut condemnanda esse omnia putent , quæ cum iis non conveniunt , quæ nunc temporis peraguntur . Quæ si adsequemur , ut profecto ab æquis humanisque lectoribus nobis sperare licet ac decet , plane confidimus quæ hactenus de singularibus veterum Græcorum usibus disputavimus , eos esse saltem benigne excepturos , qui præter magna ac mirabilia , præter se ac sua , probare etiam aliquid aliud interdum solent.

F I N I S.









958450500



